

四庫全書

集部

欽定四庫全書

夢窗乙稿卷二

宋 吳文英 撰

江神子

李別駕招飲
海棠花下

翠紗籠袖映紅霏。冷香飛。洗凝脂。睡足嬌多，還是夜深
宜。翻怕迴廊花有影，移燭暗，放簾垂。尊前不按駐雲
詞。料花枝妒蛾眉。丁祝東風莫送片紅飛。春重錦堂人
盡醉。和曉月帶花歸。

又

送桂花吳憲時已有
檢詳之命未赴闕

天街如水翠塵空建章宮月明中人未歸來玉樹起秋
風寶粟萬釘花露重催賜帶過垂虹夜涼沉水綉
簾攏酒香濃霧濛濛釵列吳娃腰裊帶金蟲三十六
宮蟾觀冷留不住珮丁東

又

十日荷塘小隱
賞桂呈朔翁

西風來晚桂開遲月宮移到東籬
簌簌驚塵吹下半
冰規擬喚阿嬌來小隱金屋底亂香飛
重陽還是隔

年期蝶相思客情知吳水吳烟愁裏更多詩一夜看承
應未別秋好處雁來時

又送翁五峯自
鶴江還都

西風一葉送行舟淺遲留艤汀洲新浴紅衣綠水帶香
流應是離宮城外晚人竚立小簾鉤新歸重省別來
愁黛眉頭半痕秋天上人間斜月繡針樓湘浪莫迷花
蝶夢江上約負輕鷗

風入松

為友人訪
琴客賦

春風吳柳幾番黃。懽事小蠻窗。梅花正結雙頭夢，玉龍吹散幽香。昨夜燈前，歌黛今朝陌上啼妝。最憐無侶伴，雛鶯桃葉已春江。曲屏先暖鴛衾慣，夜寒深都是思量。莫道藍橋路遠，行雲只隔幽坊。

又

春晚感懷

聽風聽雨過清明。愁草瘞花銘。樓前綠暗分攜路，一絲柳一寸柔情。料峭春寒中酒，交加曉夢啼鶯。西園日日掃林亭。依舊賞新晴。黃蜂頻撲秋千索，有當時、日日掃林亭。依舊賞新晴。黃蜂頻撲秋

纖手香凝惆悵雙鴛不到幽堦一夜苔生

又桂

蘭舟高蕩漲波涼愁被矮橋坊暮煙疎雨西園路誤秋
娘淺約宮黃還泊郵亭喚酒舊曾送客斜陽蟬聲
空曳別枝長似曲不成商御羅屏底翻歌扇憶西湖臨
水開窻和醉重尋幽夢殘衾已斷薰香

又

鄰舟
妙香

畫船簾密不藏香飛作楚雲狂傍懷半捲金鑪燼怕

暖消春日朝陽清馥晴薰殘醉斷烟無限思量凭
闌心事隔垂楊樓燕鎖幽粧梅花偏惱多情月慰溪橋
流水昏黃哀曲霜鴻悽斷夢魂寒蝶悠颺

豐樂樓

節齋新建此樓夢窗淳熙十一年二月甲子作是詞大書于壁望幸焉

天吳駕雲閨海凝春空燦綺倒銀海蘸影西城四碧天
鏡無際綵翼曳扶搖宛轉雩龍降尾交新霽近玉虛高
處天風笑語吹墜清濯緇塵快展曠眼傍危欄醉倚
面屏障一一鶯花薜蘿浮動金翠慣朝昏晴光雨色燕

泥動紅香流水步新梯藐視年華頓非塵世 麟翁袞
烏領客登臨座有誦魚美翁笑起離席而語敢詫京兆
以後為功落成奇事明良慶會賡歌熙載隆都觀國多
閒暇遣丹青雅飾繁華地平瞻太極天街潤納璇題露
牀夜沉秋緯 清風觀闕麗日呆愚正午長漏遲為洗
盡脂痕茸唾淨捲麴塵永晝低垂繡簾十二高軒駟馬
我冠鳴珮班回花底修禊飲御爐香分朝衣袂碧桃數
點飛花湧出宮溝遡春萬里

又春晚
感懷

殘寒政欺病酒掩沉香繡戶燕來晚飛入西城似說春
事遲暮畫船載清明過却晴烟冉冉吳宮樹念羈情遊
蕩隨風化為輕絮十載西湖傍柳繫馬趁嬌塵軟霧
遡紅漸招入仙溪錦兒偷寄幽素倚銀屏春寬夢窄斷
紅溼歌紈金縷暝堤空輕把斜陽總還鷗鷺幽蘭旋
老杜若還生水鄉尚寄旅別後訪六橋無信事往花委
瘞玉埋香幾番風雨長波妒盼遙山羞黛漁燈分影春

江宿記當時短檝桃根渡青樓彷彿臨分敗壁題詩淚
墨慘澹塵土危亭望極草色天涯嘆鬢侵半苧暗
點檢離痕歡唾尚染鮫綃鳳迷歸破鸞慵舞殷勤
待寫書中長恨藍霞遼海沈過雁漫相思彈入哀箏
柱傷心千里江南怨曲重招斷魂在否

又詠荷和趙
修全韻

橫塘穿棹艷錦引鴛鴦弄水斷霞晚笑折花歸紺紗低
護燈蕊潤玉瘦冰輕倦浴斜拖鳳股盤雲墜聽銀牀

聲細梧桐漸覺涼思 窗隙流光過如迅羽愴空梁燕
子誤驚起風竹敲門故人還又不至記琅玕新詩細掐
早陳迹香痕纖指怕因循羅扇恩疎又生秋意 西湖
舊日畫舸頻移嘆幾縈夢寐霞佩冷疊瀾不定麝謁
飛雨乍濕鮫綃暗盛紅淚練單夜共波心宿處瓊簫吹
月霓裳舞向明朝未覺花容悴嬌香易落回頭淡碧銷
烟鏡空畫羅屏裏 殘蟬度曲唱徹西園也感紅怨翠
念省慣吳宮幽憩暗柳追涼曉岸參斜露零漚起絲

縈寸藕留連懽事桃笙平展湘浪影有昭華穠李冰
相倚如今鬢點淒霜半篋秋詞恨盈蠹紙

天香

梅蠟

蟬葉粘霜蠅苞綴凍生香遠帶風峭嶺上寒多溪頭月
冷北枝瘦南枝小玉奴有姊先占立牆陰春早初試宮
黃淡薄偷分壽陽纖巧銀燭淚深未曉酒鍾慳貯愁
多少記得短亭歸馬暮衙蜂鬧豈蕊釵梁恨裊但悵
望天涯歲華老遠信難封吳雲雁杳

玉漏遲

春情

絮花寒食路晴絲。眉日綠陰吹霧。客帽欺風愁滿畫船。
烟浦綵挂秋千散後，悵塵鎖燕簾鶯戶。從間阻夢雲無
準。鬢霜如許。夜久綉閣藏嬌，記掩扇傳歌剪燈留語。
月約星期，細把花鬚頻數。彈指一襟怨恨，漫空倩啼鴉聲
訴。深院宇黃昏杏花微雨。

又

春情
古腔

杏香飄禁苑。須知自古皇州春早。燕子來時，繡陌漸黃。

芳草蕙圓天桃過雨弄碎影紅節碧沼深院悄綠楊盡
日鶯聲爭巧 早是賦得多情更對景臨風鎮辜歡笑
數曲闌干故人漫勞登眺天際微雲過盡亂峯鎖一竿
殘照歸路杳東風淚零多少

金盞子

賦秋壑西
湖小築

卜築西湖種翠蘿猶傍軟紅塵裏來往載清吟為偏愛
吾廬畫船頻繫笑攜雨色晴光入春明朝市石橋鎖烟
霞五百名仙第一人 是臨酒論深意流光轉鶯花任

亂委冷然九秋肺腑應多夢
岩扃冷雲空翠漱流枕石
幽情寫漪蘭綠綺轉城處
他山小隊登臨待西風起

又

吳城連日賞桂一夕風雨悉已零落獨寓窻晚
花方作小蕾未及見開有新邑之役竭來西館
籬落間嫣然一枝可愛
見似人而喜為賦此解

賞月梧園恨廣寒宮樹曉風搖落
莓砌掃珠塵空腸斷
薰爐燼消殘萼殿秋尚有餘花鎖烟窗雲幄
新雁又無
端送人江上短亭初泊
籬角夢依約人一笑惺忪翠
袖薄悠然醉魂喚醒幽叢畔
淒香霧雨漠漠晚吹乍

顫秋聲早屏空金雀明朝想猶有數點蜂黃伴我斟酌

永遇樂

過李氏晚粧閣見壁間舊所題詞遂再賦

春酌沉沉晚粧的的仙夢遊慣錦淑維舟青門倚蓋還
被籠鶯喚裴郎歸後崔娘沉恨漫客請傳芳卷聯題在
頻經翠袖勝隔紺紗塵幔桃根杏葉膠粘細縹緲幾回
凭闌人換峨眉愁雲蘭香膩粉都為多情褪離巾拭淚
征袍染醉強作酒朋花伴留連怕風姨浪妒又吹雨斷

又

探梅次
時齋韻

閣雪雲低卷沙風急驚雁失序戶掩寒宵屏閒冷夢燈
貼脣語似堪憐窻景都閒刺綉但續舊愁一縷鄰歌散
羅襟印粉袖濕菰桃紅露 西湖舊日留連清夜愛酒
幾將花誤遺襪塵消題裙墨黯天遠吹笙路吳臺直下
緗梅無限未放野橋香度重謀醉揉香弄影水清淺處

玉蝴蝶

秋感

角斷籤鳴疎點倦螢透隙低弄書光一寸悲秋生動萬
種淒涼舊衫染唾凝花碧別淚想粧洗蜂黃楚魂傷雁

汀沙冷來信微茫
都忘孤山舊賞水
沉熨露岸錦
宜霜敗葉題詩御溝應不到
流湘數客路又隨淮月羨
故人還買吳航兩凝望滿城風雨催送重陽

又
秋恨

晚雨未催宮樹可憐閒葉猶抱涼蟬短景歸秋吟思又接
愁邊漏初長夢魂難禁人漸老風月俱寒想幽歡土花
庭甃蟲網闌干無端啼蛄攪夜恨隨團扇苦近秋蓮
一曲當樓謝娘懸淚立風前故園晚強留詩酒新雁遠

不致寒暄隔蒼烟楚香羅袖誰伴嬋娟

絳都春

元夕

融和又報乍瑞靄霽色皇都春早翠幃競飛玉勒爭
馳都門道鰲山綵結蓬萊島向晚景雙龍銜照絳綃
樓上彤芝蓋底仰瞻天表縹緲風傳帝樂慶三殿共
賞羣仙同到迤邐御香飄滿人間聞嬉笑須臾一點星
球小漸隱隱鳴鞘聲香遊人月下歸來洞天未曉

又

為郭清華
內子壽

香深霧煖正人在錦瑟年華深院舊日漢宮分得紅
蘭滋吳苑臨池羞落梅花片弄水月初勻妝面紫烟籠
處雙鸞共跨洞簫低按歌管紅圍翠袖凍雲外似覺
東風先轉綉畔晝遲花底天寬春無限仙郎驕馬瓊林
宴待捲上珠簾教看更傳鶯入新年寶釵夢燕

又

為李筭房
量珠賀

情粘舞綫悵駐馬灞橋天寒人遠旋剪露痕移得春
嬌栽瓊苑流鶯長語烟中怨恨三月飛花零亂艷陽歸

後紅藏翠掩小坊幽院 誰見新腔按徹背燈暗共倚
寶屏葱蒨綉被夢輕金屋裝深沉香換梅花重洗春
風面正溪上參橫月轉並禽飛上金沙瑞香雲煖

又

燕亡久矣京口適
見似人悵怨有感

南樓墜燕又燈暈夜涼疎簾空捲葉吹暮喧花露晨晞
秋光短當時明月娉婷畔悵客路幽局俱遠霧鬟依約
除非照影鏡空不見 別館秋娘乍識似人處最在雙
波凝盼舊色舊香閒雨閒雲情終淺丹青難畫真真面

便只作梅花頻看更愁花變梨雲又隨夢散

畔當作伴

又

余往來清華池館六年賦咏屢以感昔傷今益不堪懷乃復作此解

春來雁渚弄艷冶又入垂楊如許困舞瘦腰啼濕宮黃
池塘雨碧沿蒼蘚雲根路尚追想凌波微步小樓重上
憑誰為唱舊時金縷凝佇烟蘿翠竹欠羅袖為倚天
寒日暮強醉梅邊招得花奴來尊俎東風須惹春雲
住莫把飛瓊吹去便教移取薰籠夜溫綉戶

惜秋華

重九

細響殘蛩傍燈前似說深秋懷抱怕上翠微傷心亂烟
殘照西湖鏡掩塵沙翳曉影秦鬟雲擾新鴻喚淒涼
漸入紅萸烏帽江上故人老視東籬秀色依然娟
好晚夢趁鄰杵斷乍將愁到秋娘淚濕黃昏又滿城
雨輕風小閒了看芙蓉畫船多少

又
夕七

露罥蛛絲小樓陰墮月秋驚華鬢宮漏未央當時鈿
釵送遺恨人間夢隔西風算天上年華一瞬相逢縱相

疎勝却巫陽無準 何處動涼訊聽露井梧桐楚騷成
韻綵雲斷翠羽散此情難問銀河萬古秋聲但望中
婺星清潤輕俊度金針漫牽方寸

又

七夕前一日
送人歸鹽官

數日西風打秋林棗熟還催人去瓜果夜深斜河擬看
星度忽忽便倒離尊悵遇合雲銷萍聚留連有殘蟬韻
晚時詞金縷 綠水暫如許奈南牆冷落竹烟槐雨此
去杜曲已近紫霄尺五扁舟夜宿吳江正水珮霓裳無

數眉嫵問別來解相思否

又

木芙蓉

路遠仙城自玉郎去却芳卿憔悴錦段鏡空重鋪步
新綺凡花瘦不禁秋幻膩玉腴紅鮮麗相攜試新粧乍
畢交扶輕醉長記斷橋外驟玉驄過處千嬌凝睇昨
夢頓醒依約舊時眉翠愁邊暮合碧雲倩唱入六么聲裏
風起舞斜陽闌干十二

大曲六么王子喬笑
蓉城事有樓名碧雲

惜黃花慢

次吳江小泊夜飲僧憲惜別邦人趙簿
攜小妓侑尊連歌數闋皆清真詞酒盡

已四鼓賦此

詞餞尹梅津

送客吳臯正試霜夜冷楓落長橋望天不盡背城漸杳
離亭黯黯恨水迢迢翠香零落紅衣老暮愁鎖殘柳
眉梢念瘦腰沈郎舊日曾繫蘭橈仙人鳳咽瓊簫悵
斷魂送遠九辯難招醉鬟留盼小窗剪燭歌雲載恨
飛上銀霄素秋不解隨船去敗紅趁一葉寒濤夢翠翹
怨紅料過南譙

十二郎

垂虹橋上有
垂虹亭屬吳江

夢窗乙稿

素天際水浪拍碎凍雲不凝記曉葉題霜秋燈吟雨曾
繫長橋過艇又是賓鴻重來後猛賦得歸期纔定差綉
鴨解言香鱸堪釣尚廬人境幽興爭如共載越娥粧
鏡念倦客依前貂裘茸帽重向淞江照影酌酒滄茫
倚歌平遠亭上玉虹腰冷迎醉面暮雪飛花幾點黛愁
山暝

燭影搖紅

壽嗣榮王

天桂飛香御花簇座千秋宴笑從王母摘仙桃瓊醴雙

金盞掌上龍珠照眼映羅圖星暉海潤浮槎遠到水淺
蓬萊秋明河漢寶月將弦晚鉤斜掛西簾捲未須十
日便中秋爭看清光滿淨洗紅塵障面賀朝霖催班
正殿喜回天上紫府開筵瑤池宣勸

又

賦德清縣
圓古紅梅

莓鎖虹梁稽山祠下當時見橫斜無分照溪光珠網空
凝徧姑射青春對面駕飛虬羅浮路遠千年春在新
月苔池黃昏山館花滿河陽為君羞褪晨妝靨雲根

直下是銀河客老秋槎變雨外紅鉛洗斷又晴霞驚飛
暮管倚闌只怕弄水鱗生乘東風便

醜奴兒

麓翁飛翼
樓觀雪

東風未起花上纖塵無影峭雲濕凝酥深塢乍洗梅青
鈎簾愁絲冷浮虹氣海空明若耶門閉扁舟去懶客思
鷗輕 幾度問春倡紅冶翠空媚陰晴看真色千岩一
素天淡無情醒眼重開玉鈎簾外曉峰青相扶輕醉越
王臺上更最高層

又雙清樓在錢塘門外

空濛乍斂波影簾花晴亂
西子梳粧樓上鏡舞青鸞
潤逼風襟滿湖山色入闌干
大虛鳴籟雲多易雨長帶
秋寒遙望翠凹隔江時見
越女低鬟算堪羨烟沙白
鷺暮往朝還歌管重城醉花
春夢半香殘乘風邀月持
盃對影雲海人間

木蘭花慢

陪倉幕遊虎丘時魏益齋已被
親擢陳芬窟李方菴皆將滿秩

紫騮嘶凍草曉雲銷岫眉顰正蕙雪初消松腰玉瘦顚

頽真真輕藜漸穿險磴步荒苔猶認瘞花痕千古興亡
舊恨半丘殘日孤雲開尊重弔吳魂嵐翠冷洗微
醺問幾曾夜宿月明起看劍水星紋登臨總成去客更
軟紅先有探芳人回首滄波故苑落梅烟雨黃昏

又

重遊
虎丘

步層丘翠莽處更春寒漸晚色催陰風花弄雨愁起闌
干驚翰帶雲去杳任紅塵一片落人間青塚麒麟有恨
卧聽簫鼓遊山年年葉外花前嬌艷楚鬢成皤嘆

寶奩瘞久青萍共化裂石空磐塵緣酒沾粉污問何人
從此濯清泉一笑掀髯付與寒松瘦倚蒼巒

又

重泊

酹清盃問水慣曾見幾逢迎自越棹輕飛秋萼歸後杞
菊荒荆孤鳴舞鷗慣下又漁歌忽斷晚烟生雪浪閒銷
釣石冷楓頻落江汀長亭春恨何窮目易盡酒微醒
悵斷魂西子凌波去杳環珮無聲陰晴最無定處被浮
雲多翳鏡華明缺曉東風霽色綠楊樓外山青

又

施芸隱隨綉節過浙東
作詞留別用其韻以餞

幾臨流送遠漸荒落舊郵亭念西子初來當時望眼啼
雨難晴娉婷素紅共載到越吟翻調倚吳聲得意東風去
棹怎憐會重離輕雲零夢轉浮觴流水畔叙幽情恨
賦筆分攜江山委秀桃李荒荆經行問春在否過汀洲
暗憶百花名鶯縷爭堪細折御黃堤上重盟

喜遷鶯

同丁基仲過希
道家看牡丹

凡塵流水正春在絳闕瑤階十二暖日明霞天香盤錦

低映曉光梳洗故苑
浣花沉恨化作妖紅
斜紫困無力
倚闌干還倩東風扶起
公子留意處羅葢牙籤
一花名字小扇翻歌
密圍留客雲葉翠溫
羅綺艷波紫金盃重
人倚妝臺微醉夜和
露剪殘枝點點花心
清淚

又

福山蕭寺歲除

江亭年暮趁飛雁又
聽數聲柔櫓藍尾盃
單膠牙餈淡
重省舊時羈旅雪舞
野梅籬落寒擁漁家
門戶晚風峭
做初番花訊春還知
否何處圍艷冶紅燭
畫堂博簷

良宵午誰念行人愁先芳草輕送年華如羽自剔短
檠不睡空索綵桃新句便歸好料鵝黃已染西池千縷

探芳信

與李方菴聯舟入杭時方菴至嘉興索舊
燕同載是夕雪大作林麓洲渚皆瓊瑤方

菴馳小序求詞
且約訪蔡公甫

夜寒重見羽葆將迎飛瓊入夢整素妝歸處中宵按瑤
鳳舞春歌夜棠梨岸月冷和雲凍畫船中太白仙人錦
袍初擁雖應過浯溪否試笑挹中郎還叩清弄粉黛湖
山欠攜酒共飛鞚洗盃時換銅觥水待作梅花供問何

時帶雨鋤煙自種

又

丙申歲吳燈市盛常年余借宅幽坊一時名勝遇合置盃酒接殷勤之懽甚盛事也分鏡字韻

暖風定正賣花吟
春去年曾聽旋自洗幽蘭銀瓶釣金井
斗窗香暖慳留客
街鼓還催暝調雛鶯試遣深盃喚
將愁醒
燈市又重整待醉勒遊韁
緩穿斜徑暗憶芳盟
綃帕淚猶凝
吳宮十里吹笙路
桃李都羞覩繡簾人
怕惹飛梅翳鏡

聲聲慢

詠桂花

藍雲籠曉玉樹懸秋交加金釧霞枝人起昭陽禁寒粉
粟生肌濃香最無著處漸冷香風露成霏繡茵展怕空
堦驚墜化作螢飛三十六宮愁重問誰持金鏤和月
都移掣鎖西廂清尊素手重攜秋來鬢華多少任烏
紗醉壓花低正搖落嘆淹留客又未歸

又

四香 友人以梅蘭瑞香水
仙供客曰四香分韻得風字

雲深山塢烟冷江皋人生未易相逢一笑燈前釵行兩
兩春容清芳夜爭真態引生香撩亂東風探花手與安

排金屋懊惱司空 憔悴歌翹委珮恨玉奴消瘦飛越
輕鴻試問知心尊前誰最情濃連呼紫雲伴最小丁香
纔吐微紅還解語待攜歸行雨夢中

最當
作醉

又

飲時貴家即
席三姬求詞

春星當戶眉月分心羅屏繡幕圍香歌緩輕塵暗教文
梁秋桐泛商絲雨恨未回飄雪垂楊連寶鏡更一家姊
妹曾入昭陽 鶯燕堂深誰到為殷勤須放醉客踈狂
量減離懷孤負蘸甲清觴曲中倚嬌佯誤算只圖一顧

周郎花鎮好駐年華長在鎖窗

又

宏菴宴席客有持桐子侑俎者自云其姬親剝之

寒簫驚墜香豆初收銀牀一夜霜深亂寫明珠金盤來
薦清斟綠窗細剝擅皴料水晶微損春簷風韻處惹手
香酥潤櫻口脂侵重省追涼前事正風吟莎井月碎
陰顥顥相思無情漫攪秋心銀臺剪花盃散夢阿嬌金
屋沉沉甚時見露拾香釵燕墜金

又

贈藕花洲

六銖衣細一葉舟輕黃蘆堪笑浮槎何處汀洲雲瀾錦
浪無涯秋姿淡凝水色艷真香不染春華笑歸去傍金
波開戶翠屋為家回首紅粧青鏡與一川平綠五月
晴霞潁玉盃中西風不到窗紗端的舊連深意料采菱
新曲羞誇秋潏灩對年年人勝似花

又

餞魏綉使泊吳
江為友人賦

旋移輕鷁淺傍垂虹還因送客遲留淚雨橫波遙山眉
上新愁行人倚闌心事問誰知只有沙鷗念聚散幾楓

丹霜渚蓴綠春洲 漸近香菰炊黍想紅絲織字未遠
青樓寂寞漁鄉爭如連醉溫柔西窗夜深剪燭夢頻
生不放雲收共悵望認孤烟起處是洲

又

夏景

梅黃金重柳細絲輕園林暮烟如織殿角風微簾外燕
喧鶯寂池塘綠鴛乍起露荷翻千點珠滴閒晝永稱滿
湘竿叟爛柯仙客 日午槐陰低轉茶甌罷清風頓生
兩腋撫玉盤中朱李淨沉寒碧朋儕閒歌白雪卸紗巾

尊俎狼籍有皓月照黃昏眠又未得

高陽臺

豐樂樓

脩竹凝粧垂楊駐馬憑闌淺畫成圖山色誰題樓前有
雁斜書東風緊送斜陽下弄舊寒晚酒醒餘自銷凝能
幾花前頓老相如傷春不在高樓上在燈前歌枕雨
外薰爐怕艤遊船臨流可奈清癯飛紅若到西湖底攪
翠瀾總是愁魚莫愁來吹盡香綿淚滿平蕪

又

落梅

宮粉雕痕仙雲墮影無入野水荒灣古石埋香金沙鎖
骨連環南樓不恨吹橫笛恨曉風千里關山半飄零庭
上黃昏月冷闌干壽陽宮裏愁鸞問誰調玉髓暗補
香瘢細雨歸鴻孤山無限春寒離魂難倩招清些夢縞
衣解珮溪邊最愁人啼鳥清明葉底清圓

又送王歷陽以
右曹赴闕

淝水秋寒淮堤柳色別來幾換年光紫馬行遲纔生夢
草池塘便乘丹鳳天邊去禁漏催春殿稱觴過松江雪

弄飛花冰解鳴璫
芳洲酒社詞場賦高臺陳迹曾
醉吳王重上逋山詩清月瘦昏黃春風侍女衣篝畔早
鵲袍已煖天香到東園應費新題千樹苔蒼

又

壽毛
荷塘

風裊垂楊雪消蕙草何如清潤潘郎風月襟懷揮毫倚
馬成章仙都觀裏桃千樹映麴塵十里荷塘未歸來應
戀花洲醉玉吟香東風晴晝如酒正十分皓月一半
春光燕子重來明朝傳夢西窗朝寒幾煖金爐燼料

洞天日月偏長杏園詩應待先題嘶馬平康

倦尋芳

上元

海霞倒影空霧飛香天市催晚暮
闔宮梅相對畫樓
簾捲羅襪輕塵花笑語寶釵爭艷
春心眼亂簫聲正風
柔柳弱舞肩交燕
念窈窕東鄰深巷燈外歌沉月
上花淺夢雨離雲點點漏壺清怨
珠絡香銷空念住
紗窗人老羞相見
漸銅壺閉春陰曉寒人倦

三姝媚

詠春情

吹笙池上道為王孫重來旋生芳草水石清寒過半春
猶自燕沉鶯悄稊柳闌干晴蕩漾禁烟殘照往事依
然爭忍重聽怨紅淒調 曲榭方亭初掃印蘚迹雙鴛
記穿林窈頓隔年華似夢回花上露晞平曉恨逐孤鴻
客又去清明還到便鞦牆頭歸騎青梅已老

又過都城舊
居有感

湖山徑醉慣漬春衫啼痕酒痕無限又客長安嘆斷衿
零袂汙塵誰浣紫曲門荒沿敗井風搖青蔓對語東鄰

猶是曾巢謝堂雙燕 春夢人間須斷但惟得當年夢
緣能短繡屋秦箏傍海棠偏愛夜淺開宴舞歇歌沉
花未減紅顏先變貯久河橋欲去斜陽淚滿

畫錦堂

有感

無影燈前簫聲酒外獨鶴華表重歸舊雨殘雲仍在門
巷都非愁結春情迷醉眼老憐秋鬢倚蛾眉難忘處猶
恨綉籠無端誤放鶯飛 當時征路遠懽事差十年輕
負心期楚夢秦樓相遇共嘆相違淚香沾溼孤山雨瘦

腰折損六橋絲何時向窓下剪殘紅燭夜杪參移

又過種山即
越文種墓

帆落迴潮人歸故國山椒感慨重遊弓折霜寒機心已
墮沙鷗燈前寶劒清風斷正五湖雨笠扁舟最無情岩
上閒花腥染春愁當時白石蒼松路解勒回玉輦霧
掩山羞木客歌闌青春一夢荒丘年年古苑西風到雁
怨啼綠水蒨秋暮登臨幾樹殘烟西北高樓

漢宮春

追和尹梅津
賦俞園牡丹

花姥來時帶天香國艷羞掩名姝日長半嬌半困宿酒
微蘇沉香檻北比人間風異烟殊春恨重盤雲隊影青碧
花翻吐瓊盃洛苑舊移仙譜向吳娃深館曾奉君娛
猩脣露紅未洗客鬢霜鋪蘭詞沁壁過西園重載雙壺
休漫道花扶人醉醉花却要人扶

花心動

郭清華
新軒

入眼青紅小玲瓏飛簷度雲微溼繡檻展春金屋寬花
誰管采菱波狹翠深知是深多少都不放夕陽紅入待

粧綴新漪漲翠小圓荷葉 此去春風滿篋應時鎖蛛
絲淺虛塵榻夜雨試燈晴雪次梅趣取玳簪重盍捲簾
不解招新燕春須笑酒慳歌澁半窗掩日長困生翠睫

又柳

十里東風裊垂楊長似舞時腰瘦翠館朱樓紫陌青門
處處燕鶯晴晝乍看搖曳金絲袖春淺映鶯黃如酒嫩
陰裏煙滋露染翠嬌紅溜 此際雕鞍去久空追念郵
亭短枝盈首海角天涯寒食清明淚點絮花沾袖遠年

折贈行人遠今年恨依然纖手斷腸也羞眉畫應未就

八聲甘州

陪庚幕諸公遊靈岩

渺空烟四遠是何年青天墜長星幻蒼崖雲樹名娃金
屋殘霸宮城箭逕酸風射眼膩水染花腥時鞞雙鴛響
廊葉秋聲宮裏吳王沉醉倩五湖倦客獨釣醒醒問
蒼天無語華髮奈山青水涵空闌干高處送亂鴉斜日
落漁汀連呼酒上琴臺去秋與雲平

又

姑蘇臺和施芸隱韻

步晴霞倒影洗閒愁深盃艷風漪望越來清淺吳歛杳
靄江鴈初飛輦路凌空九險粉冷濯粧池歌舞煙霄頂
樂景沉暉別是青紅闌檻對女牆山色碧澹空眉問
當時遊鹿應笑古臺非有誰招扁舟漁隱但寄情西子
却題詩閒風月暗消磨盡浪打鷗磯

又

和梅
津

記行雲夢影步凌波仙衣剪芙蓉念盃前燭下十香搵
袖玉煖屏風分種寒花舊盞蘚土蝕吳蚶人遠雲槎渺

煙海沉蓬 重訪樊姬隣里怕等閒易別那忍相逢試
潛行幽曲心蕩忽忽井梧凋銅鋪低亞映小眉瞥見
立驚鴻空惆悵醉秋香畔往事朦朧

新鴈過粧樓

秋感

夢醒芙蓉風簷近渾疑珮玉丁東翠微流水都是惜別
行蹤宋玉秋花相比瘦賦情更苦似秋濃小黃昏紺雲
暮合不見征鴻 宜城當時放客認燕泥舊迹返照樓
空夜闌心事燈外敗壁寒蛩江寒夜楓怨落怕流作題

情腸斷紅行雲遠料澹蛾人在秋香月中

又

中秋後一夕李方菴月庭延客
命小妓過新水令坐間賦詞

閨苑高寒金樞動冰宮桂樹年年剪秋一半難破萬戶
連環織錦相思樓影下鈿釵暗約小簾間共無眠素娥
慣得西墜闌干誰知壺中自樂正醉圍夜玉淺鬪嬋
娟鴈風自勁雲氣不上涼天紅牙潤沾素手聽一曲清
歌雙霧鬟徐郎老恨斷腸聲在離鏡孤鸞

淒涼調

合肥巷陌皆種柳秋風夕起騷然余客
居闔戶時聞馬嘶出城四顧則荒煙野草

不勝淒黯乃著此解琴有淒涼調假以為名凡
曲言犯者謂以宮犯商商犯宮之類如道調宮
上字住雙調亦上字住所住字同故道調曲中
犯雙調或于雙調曲中犯道調其他準此唐人
樂書云犯有正旁偏側宮犯宮為正宮犯商為
旁宮犯角為偏宮犯羽為側此說非也十二宮
所住字各不同不容相犯十二宮特可犯商角
羽耳余歸行都以此曲示國上田正德使以亞
甯菓吹之其韻極
美亦曰瑞鶴仙影

綠楊巷陌秋風起邊城一弓離索馬嘶漸遠人歸甚處
成樓吹角情懷甚惡更衰草寒煙澹薄似當時將軍
部曲迤邐度沙漠追念西湖上小舫攜歌晚花行樂

舊遊在否想如今翠凋紅落漫寫羊裙等新鴈來時繫
着怕忽忽不肯寄與悞後約

尾犯

夜雨滴空堦孤館夢回情緒蕭索一片閒愁想丹青難
摸秋漸老蛩聲正苦夜將闌燈花漸落最無端處忍把
良宵只恁孤眠却佳人應怪我自別後寡信輕諾記
得當時剪香雲為約甚時向幽閨深處按新詞流霞共
酌再同歡笑肯把金玉珠珍博

東風第一枝

情


傾國傾城非花非霧春風十里獨步勝如西子妖嬈更
比太真淡竚鉛華不御漫道有巫山洛浦似恁地標格
無雙鎮鎖畫樓深處曾被風容易送去曾被月等閒
留住似花翻使花羞似柳任從柳妬不教歌舞恐化綵
雲輕舉信下蔡陽城俱迷看取宋玉詞賦

夜合花

自鶴江入京泊
葑門外有感

柳暝河橋鶯暗臺苑短檠頻惹春香當時夜泊溫柔便

入深鄉詞韻窄酒盃長剪蠟花壺箭催忙共追遊處凌
波翠陌連棹橫塘十年一夢淒涼似西湖燕去吳館
巢荒重來萬感依前喚酒銀缸溪雨急岸花狂趁殘鴉
飛過滄茫故人樓上憑誰指與芳草斜陽



夢窗乙稿卷二

夢窓乙稿跋

余家藏書未備如四明吳夢窓詞稿二十年前僅見丙
丁二集因遂授梓蓋尺錦寸繡不忍秘諸枕中也今又
得甲乙二冊但錯簡紛然如風裏落花誰是主此南唐
後主亡國詞識也無可奈何花落去似曾相識燕歸來
巧對晏元獻公與江都尉同遊池上一段佳話久已耳
熟豈容攘美又如秦少游門外綠陰千頃蘇子瞻敲門
試問野人家周美成倚樓無語理瑤琴歐陽永叔佳人

初試薄羅裳之類各入本集不能條舉但如雲接平岡
對宿煙收諸篇自注附某集者姑仍之未識誰主誰賓
也古虞毛晉識

欽定四庫全書

集部

夢窗
丙稿卷四

詳校官中書

臣呂光復

侍讀臣孫球覆勘

總校官編修

臣王燕緒

校對官編修

臣汪鏞

謄錄監生

臣陳哲

欽定四庫全書

夢窗丙稿卷三

宋 吳文英 撰

丹鳳吟

賦陳京之
芸居樓

麗錦長安人海避影繁華結廬深寂燈窗雪戶光映夜
寒東壁心彫鬢改鏤冰刻水縹緲離離風籤索索怕遣
花蟲蠹粉自採秋芸薰架香汎纖碧 更上新梯窈窕
暮山淡著城外色舊雨江湖遠問桐陰門巷燕曾相識

吟壺天小不覺翠蓬雲隔桂斧月宮三萬手計元和通
籍輒紅滿路誰聘幽素客

喜遷鶯

甲辰冬至寓越兒
輩尚留瓜涇蒲寺

冬分人別渡倦客晚潮傷頭俱雪雁影秋空蝶情春蕩
幾處路窮車絕把酒共溫寒夜倚繡添慵時節又底事
對愁雲江國離心還折吳越重會面檢點舊吟同看
燈花結兒女相思年華輕送隣戶斷簫聲噎待移杖藜
雪後猶怯蓬萊寒澗晨起嬾任鴉林催曉梅窗沈月

柳梢青

與鮑翁登研山觀雪懷癸卯歲臘朝斷橋並馬之游

斷夢游輪孤山路杳越樹陰新流水凝酥征衫沾淚都是離痕
玉屏風冷愁人醉爛漫梅花翠雲傍夜船回
惜春門掩一鏡香塵

生查子

稽山對雪有感

暮雲千萬重寒夢家鄉遠愁見越溪娘鏡裏梅花面
醉情啼枕水往事分釵燕三月灞陵橋心剪東風亂

玉漏遲

中秋

雁邊風訊小飛瓊望香碧雲先晚露冷攔干定怯藕絲
冰腕淨洗浮雲片玉勝花影春燈相亂秦鏡滿素娥未
肯分秋一半每圓處即良宵甚此夕偏饒對歌臨怨
萬里嬋娟幾許霧屏雲幔孤兔淒涼照水曉風起銀河
西轉摩淚眼瑤臺夢回人遠

一剪梅

贈友人

遠目傷心樓上山愁裏長眉別後蛾鬟暮雲低壓小欄
干教問孤鴻因甚先還瘦倚溪橋梅夜寒雪欲銷時

淚不禁彈剪成釵勝待歸看春在西窗燈火更闌

點絳脣

越山
見梅

春未來時酒攜不到千巖路瘦還如許晚色天寒處

無限新愁難對風前語行人去暗銷春素橫笛空山暮

絳都春

題蓬萊閣燈屏

螺屏暝翠正霧捲暮色星河浮霽路幕遮香街馬衝塵
東風細梅槎凌海橫黿背倩穩載蓬萊雲氣寶街斜轉
冰娥素影夜清如水應記千秋化鶴舊華表認得山

川猶是暗解繡囊爭擲金錢游人醉笙歌曉度晴霞外
又上苑春生一葦便教接宴鶯花萬紅鏡裏

祝英臺近

除夜
立春

剪紅情裁綠意花信上釵股殘日東風不放歲華去有
人添燭西窗不眠侵曉笑聲轉新年鶯語舊尊俎玉
纖曾擘黃柑柔香繫幽素歸夢湖邊還迷鏡中路可憐
千點吳霜寒銷不盡又相對落梅如雨

燭影搖紅

元夕
微雨

碧澹山姿暮寒愁沁歌眉淺障泥南陌潤輕酥燈火深
深院入夜笙歌漸暝綵旗翻宜男舞遍恣游不怕素襪
塵生行裙紅濺銀燭籠紗翠屏不照殘梅怨洗粧清
靨溼春風宜帶啼痕看楚夢留情未散素娥愁天長信
遠曉窗移枕酒困香殘春陰簾捲

掃花遊

賦瑤圃萬
象皆春堂

暝波印日倒秀影秦山曉鬟梳洗步帷艷綺正梁園未
雪海棠猶睡藉綠盛紅怕委天香到地畫舫繫舞西湖

暗黃虹卧新霄 天夢春枕被和鳳筑東風宴歌曲水
海宮對起燦驪光乍溼杏梁雲氣夜色瑤臺禁蠟初傳
翡翠喚春醉問人間幾番桃李

西江月

賦瑤圃青梅
枝上晚花

枝裊一痕雪在葉藏幾豆春濃玉奴最晚嫁東風來結
梨花幽夢 香力添熏羅被瘦肌猶怯冰綃綠陰青子
老溪橋羞見東隣嬌小

宴清都

餞嗣榮仲
享還京

翠羽飛梁苑連催發暮檣留話江燕塵階墮珥瑤扉乍
鑰綵繩雙冑新煙暗葉成陰效翠嫵西陵送遠又趁得
葢露天香春留建章花晚歸來笑折仙桃瓊樓宴夢
金漏催箭蘭亭秀語烏絲潤墨漢宮傳翫紅歌醉玉天
上倩鳳尾時題畫扇問幾時重駕巫雲蓬萊路淺

桃源憶故人

越山青斷西陵浦一岸密陰疎雨潮帶舊愁生莫曾折
垂楊處桃根桃葉當時渡嗚咽風前柔櫓燕子不留

春住空寄離檣語

浣溪沙

題史菊
屏扇

門巷深深小畫樓
闌干曾識凭春愁
新蓮遮却繡鴛游
桃觀日斜香掩戶
蘋溪風起水東流
紫萸玉腕又逢秋

木蘭花慢

壽秋
壑

記瓊林宴起
輒紅路幾西風想
漢影千年荆江萬頃香
信長通金猊錦鞵賜馬
又霜橫漢節素仍紅
細柳春陰

喜色四郊秋事年豐 從容歲晚玉關長不閉靜邊鴻
訪武昌舊壘山川相繆日費詩筒蘭宮繫書翠羽帶天
香飛下玉芙蓉明月瑤笙奏徹倚樓黃鶴聲中

水龍吟

遇秋壑湖上
舊居寄贈

小湖北嶺雲多小園暗碧鶯啼處朝回勝賞墨池香潤
吟船繫雨霓節千妃錦颿一箭攜將春去算歸期未卜
青煙散後春城詠飛花句 黃鶴樓頭月午奏玉龍江
梅解舞熏風紫禁嚴更清夢思懷幾許秋水生時賦情

還在南屏別墅看章臺走馬長堤種取柔絲千樹

夜行船

贈趙梅壑

碧甃清漪方鏡小綺疏淨半塵不到古鬲香深宮壺花
換留取四時春好樓上眉山雲窈窕香衾夢鎮疎清
曉並蒂蓮開合歡屏暝玉漏又催朝早

朝中措

贈趙梅壑

吳山相對越山青湘水一春平粉字情深題葉紅波香
染浮萍朝雲暮雨玉壺塵世金屋瑤京晚雨西陵潮

汎沙鷗不似身輕

塞翁吟

錢梅津除
郎赴闕

有約西湖去移棹曉折芙蓉算終是稱心紅染不盡黑
風千桃過眼春如夢還認錦疊雲重弄晚色舊香中旋
撐入深叢從容情猶賦永車健筆人未老南屏翠峯
轉河影浮查信早素妃叫海目歸來太液池東紅衣卸
了結子成蓮天勁秋濃

風入松

寄梅
壑

一颿江上暮潮平騎鶴過瑤京湘波山色青天外紅香
蕩玉珮東丁西圓仍圓夜月南風微弄秋聲阿咸才
俊翠壺冰王母最憐生萬年枝上千年葉垂楊鬢春共
青青連喚碧甯傳酒雲回一曲雙成

燭影搖紅

越上霖
雨應禱

秋入燈花夜深簷影琵琶語越娥青鏡洗紅埃山鬪秦
眉嫵相間金茸翠畝認城陰春畊舊處晚春相應新稻
炊香疎煙林莽清磬風前海沈宿裏芙蓉炷阿香秋

夢起嬌啼玉女傳幽素人駕海查未渡試梧桐聊分宴
俎採菱別調留取蓬萊霎時雲住

尾犯

贈浪翁重
客吳門

翠被落紅粧流水膩香猶共吳越十載江楓冷霜波成
纈燈院靚涼花乍剪桂園深幽香旋折醉雲吹散晚樹
細蟬時替離歌咽長亭曾送客偷賦錦雁留別淚接
孤城渺平蕪煙濶半菱鏡青門重售採香堤秋蘭共結
故人顚顚遠夢越來溪畔月

水龍吟

壽嗣榮王

望中璇海波新訊查又匝銀河轉金風細裊龍枝聲奏
鈞簫秋遠南極飛仙夜來催駕祥光重見紫霄承露掌
瑤池蔭密蟠桃秀螽蓮綻新棟晴暈淩漢半涼生蘭
繁書卷繡裳五色昆臺十二香深簾捲花萼樓高處連
清曉千秋傳宴賜長生玉字鸞迴鳳舞下蓬萊殿

宴清都

壽秋壺

翠匣西門柳荊州昔未來時正春瘦如今賸舞西風舊

色勝東風秀黃梁露溼秋江轉萬里雲橫蔽畫正虎落
馬靜晨嘶連營夜沈刁斗含章換幾桐陰千官遠幄
韶鳳還奏席前夜人天低燕密御香盈袖星槎信約長
在醉興渺銀河賦就對小弦月挂南樓涼浮桂酒

聲聲慢

壽方泉

鷺團圞徑蘊躍尊波重來雨過中秋酒市漁鄉西風勝
似春柔宿春去年村墅看黃雲還委西疇鳳池去信吳
人有分借與遲留應是香山續夢又凝香追詠重到

蘇州青鬢江山足成千歲風流圍腰御仙花底襯月中
金粟香浮夜燕久攬秋雲平倚畫樓

永遇樂

乙巳中秋風雨

風拂塵薇雨侵涼榻纔動幽思緩酒消更移燈傍影淨
洗芭蕉耳銅華滄海愁靈重嶂燕北雁南天外算陰晴
渾似幾番渭城故人離會青樓舊日高歌取醉玉妃
淨几梳洗紅葉流光蘋花兩鬢心事成秋水白凝虛曉
香吹輕爐倚窗小瓶疎桂問深宮嫦娥正在妬雲第幾

西江月

登蓮菜閣看桂

清夢重遊天上古香吹下雲頭簫聲三十六宮愁高處
花驚風驟客路羈情不斷闌干晚色先收千山濃綠
未成秋誰見月中人瘦

朝中措

題陸桂山詩集

殷雲凋葉晚晴初籬落認奚奴纔近西窗燈火旋收殘
夜琴書秋深露重天空海濶玉界香浮木落秦山清
瘦西風幾許工夫

秋蕊香

和吳見山
賦落桂

寶月驚塵墮曉愁
瑣空枝殘照古苔
幾點露螢小銷減
秋光旋少
佩丸尚憶春酥裏
故人老斷香忍和淚痕
歸魂返東籬夢香

惜秋華

八月飛翼
樓登高

思渺西風悵行踪
浪逐南飛高雁怯
上翠微危樓更堪
凭晚蓬萊對起幽
雲澹楚色山容愁
捲清淺瞰滄波靜
銜秋痕一綫
十載寄吳苑慣東籬
深處把露黃偷剪

移暮景照越鏡意銷香斷秋娥賦得閒情倚翠尊小眉
初展深勸待明朝醉巾重岸

聲聲慢

和沈時亞八
日登高韻

憑高入夢搖落闌情寒香吹盡空巖墜葉銷紅欲題秋
訊難緘重陽正隔殘照趁西風不響雲尖藥半暝看殘
山灌翠剝水開匳暗省長安年少幾傳盃弔甫把菊
招潛身老江湖心隨飛雁天南烏紗倩誰重整映風林
鉤玉纖纖漏聲起亂星河入影畫簷

點絳脣

和吳見山韻

金井空陰枕痕厯盡秋聲鬧夢長難曉月樹愁鴉悄

梅壓檐梢寒蝶尋香到窗黏了翠池春小波冷鴛鴦覺

又

有懷蘇州

明月茫茫夜來應照南橋路夢遊熟處一枕啼秋雨

可惜人生不向吳城住心期誤雁將秋去天遠青山暮

慶春宮

題錢得閒園池

春屋圍花秋池沿草舊家錦籍川原蓮尾分津桃邊迷

路片紅不到人間亂篁蒼暗料惜把行題共刪小晴簾
捲獨占西牆一鏡清寒 風光未老吟潘嘶騎征塵祇
付憑欄鳴瑟傳杯辟邪翻燼繫船香斗春寬晚林青外
亂鴉著斜陽幾山粉銷莫染猶是秦宮綠擾雲鬟

蝶戀花

和吳見山韻

明月枝頭香滿路幾日西風落盡花如雨倒照秦眉天
鏡古秋明白鷺雙飛處 自摘霜蕙宜薦俎可惜重陽
不把黃花與帽墮笑憑纖手取清歌莫送秋聲去

玉樓春

和吳見山韻

闌干獨倚天涯客。心影暗彫風葉寂。千山秋入雨中青。
一雁暮隨雲去急。霜花強弄春顏色。相弔年光澆大白。
海煙沈處倒殘霞。一杼鮫綃和淚織。

柳梢青

題錢得聞四時圖畫

翠嶂圍屏留連迅景。花外油亭淡色煙昏。濃光清曉一
幅閒情。朝川落日漁罾。寫不盡人間四并。亭上秋聲。
鷺能春語。難入丹青。

燭影搖紅

饒馮深居翼
日深居初度

飛蓋西園晚秋恰勝春天氣霜花開盡錦屏空紅葉新
裝綴時放清杯泛水暗淒涼東風舊事夜吟不就松影
闌干月籠寒翠莫唱陽關但憑綵袖歌千歲秋星入
夢隔明朝十載吳宮會一棹回潮渡葦正西窗燈花報
喜柳蠻櫻素試酒爭憐不教不醉

齊天樂

與馮深居
登禹陵

三千年事殘鴉外無言倦憑秋樹逝水移川高陵變谷

卽識當時神禹幽雲怪雨翠萍溼空梁夜深飛去雁起
青天數行書似舊藏處寂寥西窗坐久故人慳會遇
同剪燈語敗蘚殘碑零圭斷壁重拂人間塵土霜紅罷
舞漫山色青青霧朝煙暮岸鎖春船畫旗賽鼓

水龍吟

壽梅津

杜陵折柳狂吟硯波尚溼紅衣露仙桃宴早江梅春近
還催客句宮漏傳雞禁門嘶騎官情熟處正黃編夜展
天香字暝春蔥剪紅蜜炬宮帽鸞枝醉舞思飄颺臞

仙風舉星羅萬卷雲驅千陣飛豪海雨長壽盃深探春
腔穩江湖同賦又看看便繫金狨鷲曉傍西湖路

又

用見山
韻錢別

夜分谿館漁燈巷聲乍寂西風定河橋送遠玉簫吹斷
霜絲舞影薄絮秋雲澹蛾山色宦情歸興怕煙江渡後
桃花又汎宮溝上春流緊新句欲題還省透香煤重
箋誤隱西園已負林亭移酒松泉薦茗攜手同歸處玉
奴喚綠窗春近想驕驄又踏西湖二十四番花訊

浣溪沙

陳少逸席上用
聯句韻有贈

秦黛橫愁送暮雲
越波秋淺暗啼昏
空庭春草綠如裙
綵扇不歌原上酒
青門頻返月中魂
花開空憶倚闌

人

又

一曲驚簫別綠雲
燕釵塵溜鏡華昏
灞橋舞色褪藍裙
湖上醉迷西子夢
江頭春斷倩離魂
旋緘紅淚寄行

人

探春慢

龜翁下世
後登研山

苔徑曲深深不見故人輕敲幽戶細草春回目送流光
一羽重雲冷哀雁斷翠微空愁蝶舞逞鳴鞭游蓬小夢
枕殘驚寤還識西湖醉路向柳下並鞍銀袍吹絮事
影難追那負燈牀聞雨冰谿憑誰照影有明月桑興去
暗相思梅孤瘦共江亭暮

塞垣春

丙午
歲旦

漏瑟侵瓊筦潤鼓借烘爐暝藏鉤怯冷畫難臨曉隣語

鶯轉璫綠窗細咒浮梅瑤換蜜炬花心短夢驚回林鴉
起曲屏春事天遠迎路柳絲裙看爭拜東風盈灞橋
岸髻落寶釵寒恨花勝遲燕漸街簾影轉還似新年過
郵亭一相見南陌又燈火繡囊塵香淺

一剪梅

賦處靜以梅
花枝見贈

老色頻生玉鏡塵雪澹春姿越看精神溪橋人去幾黃
昏流水泠泠都是啼痕細雨輕寒莫掩門萼綠燈前
酒帶香溫風情誰道不因春春到一分花瘦一分

木蘭花慢

錢韓似參赴江東驢幕

潤寒梅細雨捲燈火暗塵香正萬里胥濤流光漲臙春
共東江雲檣未傳燕語過罨魚垂柳舞鶯黃留取行人
繫馬軟紅深處聞鶯 霽月清風凝望久悠颺鄖山蒼
又紫簫一曲還吹別調楚際吳傍仙方袖中祕寶遺蓬
萊弱水變飛霜寒食春城秀句赴花飛入宮牆

探芳信

賀雲麓先生
秘閣滿月

探春到見綵花釵頭玉燕來早正紫龍眠重明月弄清

曉夜塵不沁銀河水金盞供新澡鎮帷屏護緊東風秀
藏芝草星斗燦懷抱問霧暝藍田玉長多少禁苑傳
香柳邊語聽鶯報片雲飛趁春潮去紅輦長安道試回
頭一點蓬萊翠小

燕歸梁

對雪醒坐上
雲麓先生

一片游塵拂鏡灣素影護梅殘行人無語看春山背東
風兩蒼顏夢飛不到梨花外孤館閉更寒誰憐消渴
老丈園聽溪聲瀉水泉

解語花

立春風雨併餞翁處靜江上之役

簷花舊滴帳燭新啼香潤殘冬被澹煙疏綺凌波步暗
阻傍牆挑薺梅痕似洗空點點年華別淚花鬢愁釵股
籠寒綵燕沾雲膩還鬪辛盤葱翠念青絲牽恨曾試
纖指雁回潮尾征帆去似與東風相避泥雲萬里應剪
斷紅情綠意年少時偏愛輕憐和酒香宜睡

祝英臺近

餞陳少逸被倉臺撤行部

問流花尋夢草雲暝翠微路錦雁峯前淺約畫行處不

教嘶馬飛春一奩越鏡那銷盡紅吟綠賦 送人去長
絲初染柔黃晴和曉煙舞心事偷占鸞漏漢宮語越得
羅蓋天香歸來時候共留取玉闌春住

烏夜啼

題趙三畏舍
館中海棠

醉痕深暈潮紅睡初濃寒食來時池館舊東風 銀燭
換月西轉夢魂中明日春和人去繡屏空

浪淘沙

有得越中故人贈
楊梅者為賦贈

綠樹越溪灣過雨雲殷西陵人去暮潮還鉛淚結成紅

粟顆封寄長安 別味帶生酸愁憶眉山小樓燈外練
花寒衫袖醉痕花唾在猶染微丹

踏莎行

潤玉籠綃檀櫻倚扇繡圈猶帶脂香淺榴心空疊舞裙
紅艾枝應壓愁鬟亂 午夢千山窗陰一箭香瘢新褪
紅絲腕隔江人在雨聲中晚風菰葉生秋怨

齊天樂

與江湖諸友泛湖

麴塵猶沁傷心水歌蟬暗驚春換露藻清啼煙蘿淡碧

先結湖山秋怨波，簾翠捲嘆霞薄輕綃。記人重見傍柳，
追涼暫踈懷袖，負紈扇。南花清鬪，素靨畫船應不載。
坡靜詩卷泛酒芳筍，題名蠹壁重集湘鴻。江燕平蕪未
剪，怕一夕西風鏡心紅。變望眼愁生暮天菱唱遠。

繞佛閣

與沈野逸東臯天
街廬樓追涼小飲

夜空似水橫漢靜立銀浪聲香。瑤鏡奩小素娥乍起樓
心弄孤照絮雲未巧。梧韻露井偏借秋早。暗情多少怕
教徹膽寒光見懷抱。浪迹尚為客恨滿長安千古道。

還記暗螢穿簾街語悄歎步影歸來人鬢花老紫簫天
渺又露飲風前涼墮輕帽酒盃空數星橫曉

秋蕊香

七夕

嬾浴新涼睡早雪壓酒紅侵笑倚樓起把繡針小月冷
秋波夢覺怕聞井葉西風到恨多少粉河不語墮秋
曉雲雨人間未了

疎影

賦墨梅照舊
刻暗香非

占春壓一捲峭寒萬里平沙飛雪數點酥鈿萬古相思

凌曉東風吹裂獨自曳橫梢瘦影入廣平裁冰詞筆記
五湖清夜推篷臨水一痕微月何遜楊州舊事五更
夢半醒胡調吹徹若把南枝圖入凌煙香滿玉樓瓊闕
相將初試紅鹽味到煙雨青黃時節想雁空北落冬深
澹墨晚天雲濶

聲聲慢

歲漕解建新樓上梅津

清漪街苑御水分流阿階西北青紅朱拱浮雲碧窗宿
霧濛濛璇題淨橫秋影笑南飛不過新鴻延桂景見素

娥梳洗微步瓊空
城外湖山十里想無時長敞畫
簾欒暗柳回堤何須繫馬金狨
鶯花翰林千首綵毫飛
海雨天風鳳池上又相思春夜夢中

木蘭花慢

送翁五
峯遊江

送秋雲萬里算卷舒總何心歎路轉羊腸人營燕壘霜
滿蓬簪愁侵庾塵滿袖便封侯那羨漢淮陰一醉蓴絲
膾玉忍教菊老松深離音又聽西風金井樹動秋吟
向暮江目斷鴻飛渺渺天色沈沈沾襟四絃夜語問楊

瓊往事到寒砧爭似湖山歲晚靜梅香底同斟

瑞鶴仙

丙午重九

亂雲生古嶠記舊遊惟怕秋光不早人生斷腸草歎如
今搖落暗驚懷抱誰臨晚眺吹臺高霜歌縹緲想西風
此處留情肯著故山衰帽聞道萸香西市酒熟東隣
浣花人老金鞭驟裘追吟賦倩年少想重來新雁傷心
湖上銷減紅深翠窈小樓寒睡起無聊半簾晚照

浪淘沙

九日從吳
見山覓酒

山遠翠眉長，高處淒涼。菊花清瘦，杜秋娘，淨洗綠盃，牽
露井，聊薦幽香。烏帽壓吳霜，風力偏狂。一年佳節過，
西廂秋色，雁聲愁幾許，都在斜陽。

水調歌頭

賦方泉
望湖樓

屋下半流水，屋上幾青山。賞心千頃，明鏡入座玉光寒。
雲起南峯未雨，雲歛北峯初霽，健筆寫青天。俯瞰古城
堞，不礙小闌干。繡鞍馬，輭紅路，乍回班。層梯影轉，停
午信手展緗編。殘照游船收盡，新月書簾纔捲，入在翠

壺間天際笛聲起塵世夜漫漫

思佳客

賦半面
女鬢體

釵燕攏雲睡起時隔牆折得杏花枝青春半面粧如畫
細雨三更花又飛輕愛別舊相知斷腸青塚幾斜暉
亂紅一任風吹起結習空時不點衣

垂絲釣

雲麓先生以畫
舫載洛花燕客

德風聽雨春殘落花門掩乍倚玉闌旋剪天豔攜醉靨
放邈溪游纜波光掩映燭花點澹碎霞澄水吳宮初

試菱鑑舊情頓減孤負深盃灑衣露天香染通夜飲問
漏移幾點

喜遷鶯

賦王睢庵
與閒堂

煙空白鷺乍飛下似呼行人相語細縠春波微痕秋月
曾認片帆來去萬頃素雲遮斷十二紅簾鈎處黯愁遠
向虹霄時送斜陽凝竚輕許孤夢到海上幾宮玉冷
深窗戶遙指人間隔江燈火漠漠水蘋搖莫看葦斷磯
殘鈎替却珠歌雪舞吟未了去匆匆清曉一闌煙雨

西河

陪鶴林先生登花園

春乍霽清漣畫舫融洩螺雲萬疊黯凝秋黛蛾照水漫
將西子比西湖溪邊人更多麗步危徑攀豔蕊掬霞到
手紅碎青蛇細折小迴廊去天半尺畫闌入暮起東
風棋聲吹下人世海棠藉雨半繡地殘寒退初卸羅綺
除酒消春何計高沙頭更續斜陽一醉雙玉盃和流花
洗

點絳脣

推枕南窗練花寒入單紗淺雨簾不捲空碾調雛燕

一握柔葱香染榴巾汗音塵斷盡羅間扇山色天涯遠

滿江紅

錢方蕙
巖赴闕

竹下門敲又呼起蝴蝶夢清閒裏看隣牆梅子幾度仁
生燈外江湖多夜雨月邊河漢獨晨星向草堂清曉卷
琴書猿鶴驚宮漏靜朝馬鳴西風起已關情料希音
不在女瑟媧笙蓮蕩折花香未晚野舟橫渡水初晴看
高鴻飛上碧雲中秋一聲

祝英臺近

春日客龜溪遊廢園

採幽香巡古苑竹冷翠微路鬪草溪根沙印小蓮步自
憐雨鬢清霜一年寒食又身在雲山深處 晝閒度因
甚天也慳春輕陰便成雨綠暗長亭歸夢趁風絮有情
花影闌干鶯聲門徑解留我霎時凝竚

珍珠簾

春日客龜溪過貴人家隔牆聞簫鼓聲疑是按舞竚立久之

蜜沈爐煖餘煙裏竚立行人官道麟帶壓愁香聽舞簫
雲渺恨縷情絲春絮遠悵夢隔銀瓶難到寒峭有東風

垂柳學得腰小 還近綠水清明歎孤身如燕將花頻
繞細雨溼黃昏半醉歸懷抱盡損歌紈人去久漫淚沾
香蘭如笑書香念客枕幽單看春漸老

滿江紅

甲辰歲盤門外
寓居過重午

結束蕭仙嘯梁鬼依還未滅荒城外無聊閒看野煙一
抹梅子未黃愁夜雨榴花不見簪秋雪又金羅紅字寫
香詞年時節 簾底事憑燕說合歡縷雙條脫自香銷
紅臂舊情都別湘水離魂菰葉怨揚州無夢銅華闕倩

卧簫吹裂晚天雲看新月

木蘭花慢

錢趙
山臺

指罌恩曉月動涼信又催歸正玉漲松波花穿畫舫無
限紅衣青絲傍橋淺繫問笛中誰奏鶴南飛西子冰綃
冷處素娥寶鏡圓時清竒好借秋光臨水色寫瑤卮
向醉中織就天孫雲錦一杼新詩依稀數聲禁漏又東
華塵染帽簷綃爭似西風小隊便乘鱸膾秋肥

極相思

題陳藏一
水月梅扇

玉纖風透秋痕涼與素懷分
棄鷺歸後生綃淨剪一片
水雲心事孤山春夢在
到思量猶斷詩魂水清月冷
香銷瘦影人立黃昏

醉蓬萊

和方南山韻

碧天書信斷寶枕香留淚痕盈袖誰識秋娥比行雲纖
瘦象尺熏爐翠鏤金縷記倚牀同繡月蟬瓊梳冰銷粉
汗南花薰透盡是當時少年清夢臂約痕深帔綃紅
縐憑鵲傳音恨語多輕漏潤玉留情沈郎無奈向柳陰

期候數曲催闌雙鋪深掩風鏐鳴獸

三部樂

賦姜石
帚漁隱

江鶻初飛蕩萬里素雲際空如沫詠情吟思不在秦箏
金屋夜潮上明月蘆花傍釣蓑夢遠句清敲玉翠罌汲
曉欸乃一聲秋曲片篷障雨瘳風半竿渭水伴鷺汀
幽宿那知煩袍挾錦低簾籠燭鼓春波載花萬斛帆鬣
轉銀河可掬風定浪息滄茫外天浸寒綠

秋思耗

荷塘為括蒼名姝
求賦聽雨小閣

堆枕香鬟側。驟夜聲偏稱。畫屏秋色風碎。串珠潤侵歌
板。愁壓眉窄。動羅篋。清商寸心低訴。叙怨抑。映夢窗零
亂。碧待漲。綠春深。落花香汎。料有斷紅流處。暗題相憶。
歡夕簷花細滴。送故人粉黛重飾。漏侵瓊瑟。丁東敲
斷。弄晴月白。怕一曲霓裳未終。催去。驂鳳翼。歎謝客猶
未識。漫瘦却東陽。燈前無夢到得。路隔重雲雁北。

法曲獻仙音

賦秋晚
紅白蓮

風拍波驚露零。秋覺斷綠衰紅。江上豔拂潮粧。澹凝冰

靨別翻翠池花浪過數點斜陽雨啼綃粉痕冷宛相向
指汀洲素雲飛過清麝洗玉井曉霞珮響寸藕折長
絲何郎心似春風蕩半掬微涼嬌蟬聲遠度菱唱伴鴛
鴦秋夢酒醒月斜輕帳

愁春未醒

侍雲麓先生登
飛翼樓觀雲

東風未起花上纖塵無影峭雲溼凝酥深塢洗梅清釣
捲愁絲冷浮虹氣海空明若耶門閉扁舟去嬾客思鷗
輕幾度問春倡紅冶翠空媚陰晴看真色千巖一素

天澹無情醒看重開玉鉤簾外曉峯青相扶輕醉越山
更上臺最高層

月中行

和黃復庵

疎桐翠井蛩驚秋葉葉雨聲愁燈前倦客老貂裘燕去
柳邊樓吳宮寂莫空煙水渾不認舊采菱洲秋花旋
結小盤虬蝶怨夜香留

夢窗丙稿卷三

欽定四庫全書

夢窗丁稿卷四

宋 吳文英 撰

瑞龍吟

賦蓮菜閣
舊刻雙調非

墮紅際層觀冷翠玲瓏五雲飛起玉虬縈結城痕淡煙
半野斜陽半市 瞰危梯門巷去來車馬夢游宮蟻秦
鬟古色凝愁鏡中暗換明眸皓齒 東海青桑生處勁
風吹淺瀛洲清泚山影汎出碧樹人世旗檐芽焙綠曾

試雲根味巖流澌涎香怕攪驕龍春睡露草啼清淚酒
香斷文丘廢隧今古秋聲裏情漫黯寒鴉孤村流水半
空裏畫角落月地

瑞鶴仙

壽方蕙巖寺簿

輓轡秋又轉記旋草新詞江頭憑雁乘槎上銀漢想車
塵纔踏東葉紅輦何時賜見漏聲涼移宮夜半問尊鱸
今幾西風未覺歲華遲晚一片丹心白髮滴露研朱
雅陪清燕班回柳院蒲團底小禪觀望杳思明月初圓

此夕應共嬋娟茂苑願年年玉兔長生聳秋井幹

思佳客

閨中秋

丹桂花開第二番東籬展却宴期寬人間寶鏡離仍合
海上仙槎去復還分不盡半涼天可憐閒剩此嬋娟
素娥未隔三秋夢贏得今宵又倚闌

沁園春

賦方泉

澄碧西湖軟紅南陌銀河地穿見華星影裏仙棊局靜
清風行處瑞玉圭寒斜谷山深望春樓遠無此峭嶸小

渭川春一泓地解不波不涸獨障狂瀾 老蘇去後坡
仙繼菊井佳名相與傳試摩挲勁石無今折角丁寧明
月莫浣規圓漫結鷗盟卽知魚樂心止中流別有天無
塵夜聽吾伊正在秋水闌干

齊天樂

毘陵陪兩別
駕宴丁園

竹深不放斜陽入橫波澹墨林沼斷葦平煙殘荷刺水
宜得秋深纔好荒亭旋埽正著酒寒輕弄花春小障錦
西風半圍歌袖半吟草 游清興易嬾景饒人未勝樂

事長少柳下停車尊前岸幘同撫雲根一笑秋香未老
漸風雨西城暗歌客帽背日移舟亂鴉溪樹晚

玉樓春

為故人
壽母

華堂宿讌連清曉醉裏笙歌雲窈窕釀成千日酒初香
過却重陽秋更好阿兒早晚成名了玉樹階前春滿
抱天邊金鏡不須磨長與粧樓慙晚照

醉落魄

題藕花
洲尼扇

春溫紅玉纖衣學剪嬌鴉綠夜香燒短銀屏燭偷擲金

錢重把寸心卜 翠深不礙鴛鴦宿採菱誰記當時曲
青山南畔紅雲北一葉波心明滅淡粧束

蝶戀花

題華山
道女扇

北斗秋橫雲髻影鸞羽衣輕腰減青絲剩一曲游仙聞
玉磬月華深院人初定 十二闌干和笑凭風露生寒
人在蓮花頂睡重不知殘酒醒幾度啼鴉暝

朝中措

題蘭室
道女扇

楚臯相遇笑盈盈江碧遠山青露重寒香有恨月明秋

珮無聲 銀燈炙了金爐燼
暝真色羅屏病起十分清
瘦夢闌一寸春情

江城梅花引

贈倪梅村
舊刻題誤

江頭何處帶春歸
玉川迷路東西
一雁不飛雪壓凍雲
低十里黃昏成曉色
竹根籬分流水過翠微
帶書傍月自鉏畦
苦吟詩生鬢絲半黃細
雨翠禽語似說相思
惆悵孤山花盡草離離
半幅寒香家住遠
小簾垂玉人誤聽馬嘶

杏花天

湯

蜜薑豈蔻相思味算却在春風舌底江清愛與消殘醉
顚顚文園病起 停嘶騎歌眉送意記曉色東城夢裏
紫檀暈淺香波細腰斷垂楊小市

倦尋芳

花翁遇舊歡吳門老妓
李伶選分韻同賦此詞

墜鉗恨井塵鏡迷樓空閒孤燕寄別雀微清瘦畫圖春
面不約舟移楊柳繫有緣人映桃花見叙分攜悔香瘢
漫蕪綠鬟輕剪 聽細語琵琶幽怨客鬢蒼華衫袖溼

徧漸老芙蓉猶自帶霜花看一縷情深朱戶掩兩痕愁
起青山遠被西風又驚吹夢雲分散

滿江紅

劉朔生賦
菊和韻

露浥初英蚤遺恨參差九日還却笑萸隨節過桂彫無
色盃面寒香蜂共泛籬根秋訊蛩催織愛玲瓏節月水
屏風千枝結芳井韻寒泉咽霜著處微紅濕共評花
索句看誰先得好漉烏巾連夜醉莫愁金鈿無人拾算
遺蹤猶有枕囊留相思物

朝中措

閨桂香

海東明月鎖雲陰
花在月中心
天外幽香輕漏
人間仙影難尋
并刀剪葉一枝曉
露綠鬢曾簪
惟有別時難忘
冷煙疎雨秋深

龍山會

陪毘陵幕府諸名勝
載酒雙清賞芙蓉

石徑幽雲冷步帳深深
豔錦青紅亞小橋
和夢醒環珮香煙水茫茫
城下何處不秋陰
問誰借東風豔冶
最嬌嬈愁侵醉霜淚洒紅綃
搖落翠葦平沙挽斜陽駐短

亭車馬曉粧羞未墮沈恨起金谷魂飛深夜驚雁落清
歌酌花觥船快瀉去來捨月向井梧梢上挂

夢行雲

即六么花十八
和趙修全韻

簾波皺纖縠朝炊熟眠未足青奴細膩未拚真珠斛素
蓮幽怨風前影搔頭斜墜玉畫闌枕水垂楊梳雨青
絲亂如乍沐嬌笙微韻晚蟬亂秋曲翠陰明月勝花夜
那愁春去速

天香

壽筠塘
內子

碧藕藏絲紅蓮並蒂荷塘水暝香斗窈窕文窗深沈書
慢錦瑟歲華依舊洞簫韻裏同跨鶴青田碧岫菱鏡妝
臺挂玉芙蓉豔褥鋪繡西隣障蓬漂手共華朝夢闌
分秀未冷綺簾猶捲淺冬時候秋到霜黃半畝便準擬
攜花就君酒花酒年華天長地久

謁金門

和勿
坐韻

雞唱晚斜照西窗白暝一枕午醒幽夢遠素衾春絮軟
紫燕紅樓歌斷錦瑟華年一箭偷果風流輸曼倩畫

陰爭繡綫

鸛啼序

和趙修全韻
舊刻分四段非

橫塘棹穿豔錦引鴛鴦弄水斷霞晚笑折花歸紅紗籠
護燈蕊潤玉瘦冰輕倦浴斜拖鳳股盤雲墜聽銀水聲
細梧桐漸攪涼思窗隙流光冉冉迅羽慙空梁燕子
誤驚起風竹敲門故人還又不至記琅玕新詩陳迹指
香痕纖葱玉指怕因循羅扇恩疎又生秋意西湖舊日
畫舸頻移不定數幾縈夢寐霞珮冷飛雨乍溼鮫綃暗

盛紅淚波心宿處練單夜共瓊簫吹月霓裳舞尚明朝
未覺花容頽媽香易落回頭淡碧銷煙鏡空畫羅屏裏
殘蟬度曲唱徹西園也感紅怨翠省慣吳宮幽憩暗
柳退涼曉岸參斜露零鷗起絲縈寸藕留連歡事桃笙
平展湘浪影有昭華穠李冰相倚如今鬢點淒霜半篋
秋詞恨盈蠹紙

點絳脣

香泛羅屏夜寒著酒宜偎倚翠偏紅墜喚起芙蓉睡

一曲伊州秋色芭蕉裏嬌和醉眼情心事愁隔湘江水

繞佛閣

贈郭李隱

清霞豔錦星媛夜織河漢鳴杼紅翠萬縷送幽夢與人
間秀芳句怨宮恨羽孤劍漫倚無限淒楚賦情縹緲東
風搖颺陣陣沾花絮鏡裏半髯雪詞老春深鶯曉處
長閑翠陰幽坊楊柳戶看故苑離離徧生禾黍短檠青
屢笑寄隱間追雞社歌舞最風流墊巾沾雨

夜遊宮

人去西樓雁杳敘別夢揚州一覺雲淡疎星楚山曉聽
啼鳥立河橋話未了雨外蛩聲早細織就霜絲多少
說與蕭娘不知道向長安對秋燈幾人老

如夢令

春在綠窗楊柳人與流鶯俱瘦眉底莫寒生簾額時翻
波皺風驟風驟花徑啼紅滿袖

醉桃源

荷塘小隱
賦燭影

金丸一樹帶霜華銀臺搖豔霞燭陰樹影兩交加秋紗

機上花 飛醉筆駐吟車香浮小隱家明朝客夢付啼
鴉歌闌月未斜

絳都春

錢李太博赴
括蒼別駕

長亭旅雁歛倦羽寄栖牆陰年晚問字翠樽刻燭紅箋
慳曾展冰灘鳴珮舟如箭笑烏幘臨風重岸可憐垂柳
清霜萬縷送將人遠 吳苑千金未散買新賦共賞文
園詞翰流水翠微明月清風平分半花深驛路香不斷
萬玉舞罌罌東苑祇應花底春多輒紅霧煥

漢宮春

壽王
度州

懷得銀符卷朝衣歸袖猶惹天香星移太微幾度飛出
西江吳城駐馬趁肥鱸臘蟻初嘗紅霧底金門候曉爭
如小隊春行何用倚樓看鏡算橘中深趣日月偏長
江山待吟秀句梅靨催粧東風水煖弄煙嬌語燕飛檣
來歲醉鵲樓勝處紅圍舞袖歌裳

瑤花

分韻得作字
戲虞宜興

秋風采石羽扇揮兵認紫駟飛躍江離塞草應笑春空

鎖凌煙高閣胡歌秦隴問鈺鼓新詞誰作有秀蓀來染
吳香瘦馬青芻南陌 水漸細響長橋蕩波底蛟腥不
浣霜鵲烏絲醉墨紅袖煥十里湖山行樂老仙何處算
洞府光陰如昨想地寬多種桃花豔錦東風成幄

瑞鶴仙

壽雲麓先生

記年時秋半看畫堂凝香璇奎初煥天邊歲華轉向九
重春近仙桃傳宴銀罌翠管寶香飛蓬萊小苑感玉皇
恩重千秋翠麓峻齊雲漢 須看鴻飛高處野濶天寬

弋人空羨梅清水暝苔溪畔幾吟卷算金門聽漏玉墀
班平贏得風霜滿臉總不如綠野身安鏡中未晚

暗香

送魏甸濱宰吳縣
解組分韻得闌字

縣花誰葺記滿庭燕麥朱扉斜闌妙手作新公館青紅
曉雲溼天際疎星趁馬畫簾隙冰絃三疊盡換却吳水
吳煙桃李靚春靨風急送帆葉正雁水夜清卧虹平
帖軟紅路接塗粉闌深早催入懷暝天香宴果花隊簇
輕軒銀燭便問訊湖上柳兩堤翠匝

淒涼犯

又名瑞鶴仙影
賦重臺水仙

空江浪濶清塵凝層層刻碎冰葉水邊照影華裙曳翠
露搔淚涇湘煙萸合塵韞凌波半涉怕臨風欺瘦骨護
冷素衣疊樊姊玉奴恨小鈿疎唇洗粧輕怯汜入最
苦粉痕深幾重愁罨花溢香濃猛鯁透霜絹細摺倚瑤
臺十二金錢暈半貼

思佳客

癸卯除夜
舊刻失題

自唱新詞送歲華鬢絲添得老生涯十年舊夢無尋處

幾度新春不在家
衣嬾換酒難賒
可憐此夕看梅花
隔年昨夜青燈在
無限粧樓盡翠華

宴清都

送馬林屋赴南
宮分韻得動字

柳色春陰重
東風力快將雲雁高
送書檠細雨吟窗亂
雪天寒筆凍家林秀
橘霜老笑分得蟾邊桂
種應茂苑
斗轉蒼龍淮潮獻奇吳鳳
玉眉暗隱華年凌雲氣
壓千載雲夢名箋淡墨恩袍翠
草紫騮青鞵飛香杏園新
句眩醉眼春游乍縱
弄喜音鵲遶庭花紅簾影動

六醜

壬寅歲吳門
元夕風雨

漸新鶯映柳茂苑鎖東風初掣館娃舊遊羅襦香未滅
玉夜花節記向留連處看街臨晚放小簾低揭星河湫
澹春雲熟笑靨歌梅仙衣舞纈澄澄素娥宮闕醉西樓
十二銅漏催徹紅消翠歇歎霜簪練髮過眼年光舊
情盡別泥深厭聽啼鴉恨愁霏潤沁陌頭塵襪青鸞香
鈿車音絕却因甚不把歡期付與少年華月殘梅瘦飛
趁風雪丙夜永更說長安夢燈花正結

蕙蘭芳引

賦陳藏一家吳郡王畫圖墨蘭

空翠纏雲楚山迴故人南北秀骨冷盈盈一段風流結
束清洗九畹料未許千金輕儷淺笑還輕語蔓草羅裙
一幅素女情多阿真嬌重喚寒空谷弄野色煙姿宜
埽怨蛾澹墨光風入戶媚香傾國湘佩寒幽夢小窗春
足

探芳信

為春瘦更瘦如梅花花應知否任枕函雲墜離懷半中

酒雨聲樓閣春寒裏寂寞收燈後甚年年鬪草心期探
花時候嬌嬾強拈繡暗背裏相思閒供晴晝玉合羅
囊蘭膏漬透紅豈舞衣疊損金泥鳳妬折闌干柳幾多
愁兩點天涯遠岫

惜黃花慢

賦菊

粉靨金裳映繡屏認得舊日蕭娘翠微高處故人帽底
一年最好偏是重陽避春祇怕春不遠傍幽徑偷理秋
妝帶醉鄉寸心似剪漂蕩愁觴潮顙笑入清霜鬪萬

花樣巧深染蜂黃露痕千點自憐舊色寒泉半掬百感
幽香雁聲不到東籬畔滿城但風雨淒涼最斷腸夜深
怨蝶飛狂

金縷歌

為德清趙令
君賦小垂虹

浪影龜紋皴蘸平煙青紅半溼枕溪窗牖千尺晴虹映
碧漪萬疊羅屏擁繡漫幾度吳船回首歸興五湖應不
到向滄茫釣雪人知否樵唱杳度深秀重來趁得花
時候記留連空山夜雨短亭春酒桃李新栽成蹊處盡

是行人去後但東閣官梅清瘦欸乃一聲山水綠燕無
言風定紅簾晝寒正悄彈吟袖

青玉案

重到溪
葵園

東風客雁溪邊道帶春去隨春到認得踏青香徑小傷
高懷遠亂雲深處目斷湖山杳梅花似惜行人老不
忍輕飛送殘照一曲秦娥春態少幽香誰採舊寒猶在
歸夢啼鴛曉

浣溪沙

題李中笙
舟中梅屏

冰骨清寒瘦一枝
玉人初上木蘭時
嬾粧斜立澹春姿
月落溪窮清影在
日長春去畫簾垂
五湖水色掩西

施

探芳信

雲麓小園早飲客供棋
事琴事舊刻缺半調

轉芳徑見霧捲晴漪
魚弄游影旋解纓
濯翠臨枰長日
靜修林竹色花香
處意足多新詠
試把龍唇供來時
舊寒纔定
門巷都深靜
但酒敵曉寒共消日
永舊曲漪
瀾待留向月中
聽藻蘋密布官溝
水任汎流紅冷
小蘭

干笑拍東風醇醒

採桑子

瑞香

茜羅結就丁香顆顆顆相思猶記年時一曲春風酒一
卮 綵鸞依舊棄雲到不負心期清睡濃時香趁銀屏
蝴蝶飛

三妹媚

姜石帚館水磨方氏會
飲總宜即事寄毛荷塘

酣春清鏡裏照清波明眸暮雲愁斂半綠垂絲正楚腰
纖瘦舞衣初試燕客漂零煙樹冷青驄曾繫畫館朱橋

還把清尊慰春顚
離苑幽芳深閉恨淺薄東風褪
香銷膩綵筆翻歌最賦情偏在笑紅顰翠暗拍闌干看
散盡斜陽舫市付與嬌鶯金衣清曉花深未起

水龍吟

雲麓新葺
北墅園池

好山都在西湖斗城轉北多流水屋邊五畝橋通雙沼
平煙蘸翠旋疊雲根半開竹徑鷗來須避四時長把酒
臨花傍月無一日不春意獨樂當時高致醉吟篇如
今還繼舉見日葵心傾須早圖歸計浮碧亭泛紅波迴

桃源人世待天香
應候開時又勝翠陰青子

燭影搖紅

雲麓夜燕園亭

新月侵堦綠雲林外笙簫透銀臺雙引繞花行紅墜香
沾袖不管簫聲轉漏更明朝棋消永晝靜中間看倦羽
飛還遊雲出岫隨處春光翠陰都抵西湖柳去年溪
上牡丹時還試長安酒都把愁懷抖擻笑流鶯啼春漫
瘦曉風盡惡妬雪寒銷梅梢成莖

又

毛荷塘生日留京不歸賦以寄意

西子西湖賦情合載鴟夷棹斷橋直去是孤山應為梅
花到幾度吟昏醉曉背東風偷閒鬪草亂鴉啼後解珮
歸來春懷多少 千里嬋娟茂園今夜同清照櫻脂茸
唾聽吟詩爭似還家好昵昵西窗語笑鳳雲深瓊簫縹
緲願春如舊柳帶同心花枝壓帽

望江南

二月暮花落更情濃人去鞦韆閒挂月馬停楊柳倦嘶
風堤畔畫船空 厭厭醉長日小簾櫳宿燕夜歸銀燭

外啼鴛聲在綠陰中無處覓殘紅

天香

賦薰
衣香

珠絡玲瓏羅囊閒鬪酥懷暝麝相倚百和花鬚十分風
韻半襲鳳箱重綺茜晴四角慵未結流蘇春睡熏度紅
薇院落煙銷畫屏沈水 溫泉絳綃乍試露華侵透肌
蘭泚漫省淺溪月夜暗浮花氣荀令如今老矣但未識
韓郎舊風味遠寄相思餘薰夢裏

江神子

賦洛北碧
沼小庵

長安門外小林丘碧壺秋浴輕鷗不放啼紅流水透宮
溝時有晴空雲過影華鏡裏翳魚游綺羅塵滿九街
頭晚香樓夕陽收波面琴高仙子駕黃蚪清磬數聲人
定了池上月照虛舟

沁園春

送翁賓陽
游鄂渚

情如之何暮途為客忍堪送君便江湖天遠中宵同舟
關河秋近何日清塵玉塵生風貂裘明雪幕府英雄今
幾人行清早料剛腸肯殢淚眼難顰平生秀句清尊

到帳動風開自有神聽夜鳴黃鶴樓高百尺朝馳白馬
筆掃千軍賈傳才高岳家軍壯好勒燕然石上文到今
日念故人老矣甘卧閒雲

採桑子

水亭花上三更月扇與人間弄影闌干玉燕重抽攏墜
簪心期偷卜新蓮子秋入眉山翠破紅殘半簾湘波
生曉寒

清平樂

書梳
子扇

柔柯剪翠蝴蝶雙飛起誰墮玉鈿花徑裏香帶薰風臨
水露紅滴瀝秋枝金泥不染禪衣結得同心成了任
教春去多時

燕歸梁

書水
仙扇

白玉搔頭墜髻鬆怯冷翠裙重當時離珮解丁東淡雲
低暮江空青絲結帶駕鸞殘歲華晚又相逢綠塵湘
水避春風步歸來月宮中

西江月

江上桃花流水天涯芳草青山樓臺春鎖碧雲灣都入
行人望眼一鏡波平鷗去千林落日鴉還天風裊裊
送輕颿薦過星槎銀漢

滿江紅

翠幙深庭露紅晚閒花自發春不斷亭臺成趣翠陰蒙
密紫燕雛飛簾額靜金鱗影轉池心濶有花香竹色賦
閒情供吟筆閒問字評風月時載酒調冰雪似初秋
入夜淺涼欺葛人境不教車馬近醉鄉莫放笙歌歇倩

雙成一曲紫雲迴紅蓮折

夜行船

寓化度寺

鴉帶斜陽歸遠樹無人聽數聲鐘暮日與愁長心灰香
斷月冷竹房扃戶畫扇青山吳苑路傍懷袖夢飛不
去憶別西池紅綃盛淚腸斷粉蓮啼露

好事近

僧房聽琴

琴冷石牀雲海上偷傳新曲彈作一簷風雨碎芭蕉寒
綠冰泉輕瀉翠筒香林果薦紅玉早是一分秋意到

臨窗脩竹

浣溪沙

波面銅花冷不收
玉人垂釣理纖鉤
月明池閣夜來秋
江燕話歸成曉別
水花紅減似春休
西風梧井葉先愁

風入松

雲麓園
堂燕客

一番疎雨洗芙蓉
玉冷珮丁東
轆轤聽帶秋聲轉
早涼生
傍井桐
歡宴涼宵好
月佳人脩竹清風
臨池飛閣

乍青紅移酒小垂虹貞元供奉梨園曲稱十香深蘸
鍾醉夢孤雲曉色笙歌一派秋空

鷓鴣天

化度寺作

池上紅衣伴倚闌
栖鴉常帶夕陽還
殷雲度雨疎桐落
明月生涼寶扇閒
鄉夢窄水天寬
小窗愁黛淡秋山
吳鴻好為傳歸信
楊柳閭門屋數間

虞美人影

詠香橙

黃包先著風霜勁
獨占一年佳景點點吳鹽雪凝玉膾

和蘼冷 洋園誰識黃金徑
一棹洞庭秋興香薦蘭皋
湯鼎殘酒西窗醒

訴衷情

片雲載雨過江鷗水色澹汀洲
小蓮玉慘紅怨翠被又
經秋 涼意思到南樓
小簾鉤半窗燈暈幾葉芭蕉客
夢牀頭

花上月令

文園消渴愛江清酒腸怯怕深觥
玉舟曾洗芙蓉水瀉

清永秋夢淺醉雲輕
庭竹不收簾影去人睡起月空
明瓦瓶汲井和秋葉薦吟醒夜深重怨遙更

卜算子

涼挂曉雲輕聲度西風小井上梧桐應未知一葉雲鬟
來雁帶書遲別燕歸程早頻探秋香開未開恰似
春來了

秋霽

賦雲麓水
園長橋

一水盈盈漢影隔游塵淨洗寒綠秋沐平煙日回西照

乍驚飲虹天北綵蘭翠馥錦雲直下花成屋試縱目空
際醉來風露跨黃鵠 追想縹緲釣雪松江恍然煙蓑
秋夢重續問何如臨池膾玉扁舟空艤洞庭宿也勝飲
湘然楚竹夜久人悄玉妃喚月歸來挂筌聲裏水宮六

六

鳳栖梧

甲辰
七夕

開過南枝花滿院新月西樓相約同針線高樹數聲蟬
送晚歸家夢向斜陽斷 夜色銀河情一片輕帳偷歡

銀燭羅屏怨陳迹曉風吹霧散簾鉤空帶蛛絲捲

江神子

喜雨上
麓翁

一聲玉磬下星壇步虛闌靈華寒平曉阿香油壁碾青
鷺應是老鱗眠不得雲砲落海潮翻身閒猶耿寸心
丹炷爐煙暗祈年隨處蛙聲鼓吹稻花田秋水一池蓮
葉晚吟喜雨拍闌干

齊天樂

飲白醪感
少年事

芙蓉心上三更露茸香漱泉玉井自洗銀舟徐開素酌

月落空杯無影庭陰未暝度一曲新蟬韻秋堪聽瘦骨
侵冰怕驚紋簟夜深冷當時湖上載酒翠雲開處共
雪面波鏡萬感瑠梨千莖鬢雪煙鎖藍橋花徑留連暮
景但願覓孤歡強寬秋興醉倚修篁晚風吹半醒

賀新郎

湖山有
所贈

湖上芙蓉早向北山煙深霧冷更看花好流水茫茫城
下夢空指游仙路杳笑蘿嶂雲屏親到玉雪肌膚春溫
夜飲湖光山綠成花貌臨澗水弄清照著愁不盡宮

眉小聽一聲相思曲裏賦情多少紅日闌干鴛鴦枕畔
柱裙腰褪了算誰識垂楊秋裏不是秦樓無緣分點吳
霜羞戴簪花帽但殢酒任天曉

霜天曉角

題胭脂嶺
陶氏門

煙林褪葉紅藕藉游人屨十里秋聲松路嵐雲重翠濤
涉竚立閒素簑畫屏蘿嶂疊明月雙成歸去天風裏
鳳笙浹

烏夜啼

桂花

西風先到巖扃月籠明金露啼珠滴翠小雲屏一顆
顆一星星是秋情香裂碧窗煙破醉魂醒

夜行船

逗曉闌干露露水歸期香畫簷鵲喜粉汗餘香傷秋中
酒月落桂花影裏屏曲巫山和夢倚行雲重夢飛不
起紅葉中庭綠塵斜曳應是寶箏慵理

鳳栖梧

化度寺池蓮一
花最晚有感

湘水煙中相見早羅蓋低籠紅拂猶嬌小粧鏡明星爭

晚照西風日送凌波香
惆悵來遲羞窈窕一霎留連
相伴闌干悄今夜西池明月到餘香翠被空秋曉

生查子

秋社

當樓月半奩曾買菱花處
愁影背闌干素髮殘風露
神前雞酒盟歌斷秋香戶
泥落畫梁空夢想青春語

尾犯

甲辰中秋
舊刻失題

紺海掣微雲金井暮涼梧韻風息何處樓高想清光先
得江汜冷冰綃乍洗素娥懽菱花再拭影留人去忍向

夜深簾戶照陳迹 竹房苔徑小對日莫教煙碧露蓼
香輕記年時相識二十五聲聲秋點夢不認屏山路窄
醉魂悠颺滿地桂陰無人惜

慶春宮

殘葉翻濃餘香棲苦障風怨動秋聲雲影搖寒波塵銷
膩翠房人去深局畫成淒黯雁飛過垂楊轉青闌干橫
暮酥印痕香玉腕誰憑 菱花乍失娉婷別岸圍紅千
豔傾城重洗清盃同追深夜荳花寒落愁燈近歡成夢

斷雲隔巫山幾層偷相憐處重盡金篝消瘦雲英

霜天曉角

舊刻
失題

香莓幽徑滑縈繞秋曲折簾額紅搖波影魚驚墜暗吹
沫浪濶輕棹撥武陵曾話別一點煙紅春小桃花夢
半林月

漢宮春

壽梅
津

名壓年芳倚竹根新影獨照清漪千年禹梁蘚碧重發
南枝冰凝素質遣凡桃羞濯塵姿寒正峭東風似海香

浮夜雪春霏 練鵲錦袍仙使有青娥傳夢月轉參移
逋山傍鶯繫馬玉剪新辭官妝鏡裏笑人間花訊都遲
春未了紅鹽薦鼎江南煙雨黃時

西江月

丙午
冬至

添線綉牀人倦翻香羅幙煙斜五更簫鼓貴人家門外
曉寒嘶馬 帽壓半簷朝雪鏡開千靨春霞小帘沽酒
看梅花夢到林逋山下

浣溪沙

中冬望後出遊
履翁舟中即興

新夢游仙駕紫鴻
數家燈火灞陵東
吹簫樓外凍雲重
石瘦溪根船宿處
月斜梅影曉寒中
玉人無力倚東風

戀繡衾

頻摩書眼怯細文
小窗陰天氣似昏
獸爐暝慵添困帶
茶煙微潤寶熏
少年嬌馬西風冷
舊春衫猶浣酒痕
夢不到梨花路斷
長橋無限暮雲

無悶

惟雪

霓節飛瓊鸞駕弄玉香隔平雲弱水倩皓鶴傳書衛姨
呼起莫待粉河凝曉趁夜月瑤笙飛環珮蹇驢吟影茶
煙竈冷酒亭門閉歌麗泛碧蟻放繡箔半鉤寶臺臨
砌要須借東君灞陵春意曉夢先迷楚蝶早風戾重寒
侵羅被還怕掩深院梨花又作故人清淚

杏花天

鬢發初剪玉纖弱早春入屏山四角少年買困成歡
誰人在濃香繡幄霜絲換梅殘夢覺夜寒重長安紫陌

東風入戶先情薄
吹老燈花半萼

醉桃源

元日

五更槐馬靜無聲
隣雞猶怕驚
日華平曉弄春明
莫寒愁翳生
新歲夢去年情
殘宵半酒醒
春風無定落梅輕
斷鴻長短亭

菩薩蠻

落花夜雨辭寒食
塵香明日城南陌
玉靨溼斜紅
淚痕千萬重
傷春頭竟白
來去春如客
人瘦綠陰濃
日長

簾影中

夢窗絕筆

鵲啼序

缺吳駕雲闌海

缺

春空燦綺倒銀海燕影西城

缺

天

鏡無際綵翼曳扶搖宛轉雲龍虹尾交相曳

缺

高

處

缺

笑語吹墜

缺

清濯緇塵

缺

屏障一一鵲花薜蘿

紅香流水

缺

領客

缺

離席而語敢說京兆

缺

成良慶會慶歌熙載隆都

缺

閒暇遺

缺

雅

飾繁華地平瞻太極

缺

天

缺

納璇題

缺

靜夜沈秋

缺

風觀闕麗日

缺

正午洗盡脂痕茸唾淨捲

麴塵永晝低垂繡帷十二高軒駟馬戕冠鳴珮班回花

底脩禊飲御爐香分惹朝衣袂碧桃數點飛花湧出宮

溝陽春萬里

淳祐十一年二月甲子

四明吳文英君持書

夢窗補遺

聲聲慢

閨重九
飲郭園

檀藥金碧婀娜蓮葉游雲不蘸芳洲露柳霜蓮十分點
綴殘秋新彎畫眉未穩似含羞低度牆頭愁送遠駐西
臺車馬共惜臨流知道池亭多宴掩庭花長是驚落
秦謳膩粉闌干猶聞凭袖香留輸他翠連拍甃瞰新粧
終日凝眸簾半捲帶黃花人在小樓

倦尋芳

錢周糾
定夫

暮帆挂雨水岸飛梅春思零亂送客將歸偏是故宮離

苑醉酒曾同涼月舞尋芳還隔紅塵面去難留悵芙蓉
路窄綠楊天遠便繫馬鶯邊清曉煙草晴花沙潤香
軟爛錦年華誰念故人遊倦寒食相思隄上路行雲應
在孤山畔寄新吟莫空回五湖春雁

絳都春

為清華
內子壽

香深霧暝正人在錦瑟年華深院舊日漢宮分得紅蘭
滋吳苑臨池羞落梅花片弄水月初勻粧面紫煙籠處
雙鷺共跨洞簫低按歌筵紅圍翠袖東雲外似覺東

風先轉繡幃晝遲花底天寬春無限仙郎騎馬瓊林宴
待捲上珠簾教看更傳鴛入新年寶釵夢燕

唐多令

惜別

何處合成愁離人心上秋縱芭蕉不雨也颼颼都道晚
涼天氣好有明月怕登樓年事夢中休花空煙水流
燕辭歸客尚淹留垂柳不繫裙帶住漫長是繫行舟

法曲獻仙音

和丁宏庵韻

落葉霞翻敗窗風咽暮色淒涼深院瘦不闌秋淚緣生

別情銷鬢霜千點，
悵翠冷搔頭燕。
那能語恩怨，
紫簫遠記桃枝向。
隨春渡，
愁未洗鉛水。
又將恨染粉縐，
離箱忍重拈燈夜。
裁剪望極藍橋，
綵雲飛羅扇歌斷料。
鸞籠玉鐸夢裏隔花時見。

好事近

秋飲

雁外雨絲絲，
將恨和愁都織。
玉骨西風，
添瘦減尊前歌力。
袖香曾枕醉紅腮，
依約唾痕碧。
花下凌波入夢引，
春雛雙鶻。

憶舊遊

別黃澹翁

送人猶未苦苦送春隨人去
天涯片紅都飛盡陰陰潤
綠暗裏啼鴉賦情頓雪雙鬢
飛夢逐塵沙歎病渴淒涼
分香瘦減兩地看花
西湖斷橋路想繫馬垂楊依舊
歌斜葵麥迷煙處問離巢孤燕
飛過誰家故人為寫深
怨空壁埽秋蛇但醉上吳臺
殘陽草色歸思賒

宴清都

病渴文園久梨花月夢殘春
故人舊愁彈枕雨衰翻帽

雪為情僂僂千金醉躍驕驄試問取朱橋翠柳痛恨不
買斷斜陽西湖醞入春酒吳宮亂水斜煙留連倦客
慵更回首幽蛩韻苦哀鴻叫絕斷音難偶題紅汎葉零
亂想夜冷江楓暗瘦付與誰一半悲秋行雲在否

金縷歌

陪履齋先生
滄浪看梅

喬木生雲氣訪中興英雄陳迹暗追前事戰艦東風慳
借便夢斷神州故里旋小築吳宮閒地華表月明歸夜
鶴歎當時花竹今如此枝上露濺清淚遶頭小簇行

春隊步蒼苔尋幽別塢看梅開未重唱梅邊新度曲催
發寒梢凍蕊此心與東君同意後不如今今非昔兩無
言相對滄浪水懷此恨寄殘醉

夢窗丁稿卷四

夢窓絕筆

鶯啼序

闕 吳駕雲閒海

闕

春空燦綺倒銀海燕影西城

闕

天

鏡無際綵翼曳扶搖宛轉雲龍虹尾交相曳

闕

高

處

闕

笑語吹墜

清濯緇塵

闕

屏障一一鶯花薜蘿

闕

紅香流水

闕

領客

闕

離席而語敢詫京兆

闕

成良慶會賡歌熙載隆都

闕

閒暇遺

闕

雅

飾繁華地平瞻太極

闕

天

闕

納璇題

靜夜沈秋

闕

風觀闕麗日

闕

正午洗盡脂痕茸唾淨捲

麴塵永晝低垂繡帷十二高軒駟馬裁冠鳴珮班回花

底修楔飲御爐香分惹朝衣袂碧桃數點飛花湧出宮

溝陽春萬里

淳祐十一年二月甲子
四明吳文英君特書

夢窗補遺

聲聲慢

閨重九
飲郭園

檀藥金碧婀娜蓬萊游雲不蘸芳洲露柳霜蓮十分點
綴殘秋新顰畫眉未穩似含羞低度牆頭愁送遠駐西
臺車馬笑惜臨流知道池亭多宴掩庭花長是驚落
秦謳膩粉闌干猶聞凭袖香留輸他翠連拍甃瞰新粧
終日凝眸簾半捲帶黃花人枉小樓

倦尋芳

錢周糾
定夫

金匱要略
草帆挂雨冰岸飛梅春思零亂送客將歸偏是故宮離
苑醉酒曾同涼月舞尋芳還隔紅塵畫去難留悵芙蓉
路窄綠楊天遠便繫馬鴛邊清曉煙草晴花沙潤香
軟爛錦年華誰念故人遊倦寒食相思隄上路行雲應
枉孤山畔寄新吟莫空回五湖春雁

絳都春

為清華
內子壽

香深霧暝正人枉錦瑟年華深院舊日漢宮分得紅蘭
滋吳苑臨池羞落梅花片弄水月初勻粧面紫煙籠處

雙鷺笑跨洞簫低按
歌筵紅圍翠袖凍雲外似覺東
風先轉繡畔晝遲花底天寬春無限
仙郎驕馬瓊林宴
待捲上珠簾教看更傳鴛入新年
寶釵夢燕

唐多令

惜別

何處合成愁
離人心上秋
縱芭蕉不雨也
颼颼都道晚
涼天氣好
有明月怕登樓
年事夢中休
花空煙水流
燕辭歸客尚淹留
垂柳不繫裙帶住
設長是繫行舟

法曲獻仙音

和丁宏菴韵

落葉霞翻敗窗風咽草色淒涼深院瘦不關秋淚緣生
別情銷鬢霜千點悵翠冷搔頭燕那能語恩怨紫簫
遠記桃枝向隨春渡愁未洗鉉水又將恨染粉縞澀離
箱忍重拈燈夜裁剪望極藍橋綵雲飛羅扇歌斷料鷺
籠玉鐺夢裏隔花時見

好事近

秋飲

雁外雨絲絲將恨和愁都織玉骨西風添瘦減尊前歌
力袖香曾枕醉紅腮依約唾痕碧花下凌波入夢引

春雛雙鵝

憶舊遊

別黃澹翁

送人猶未苦苦送春隨人去天涯片紅都飛盡陰陰潤
綠暗裏啼鴉賦情頓雪雙鬢飛夢逐塵沙歎病渴淒涼
分香瘦減兩地看花 西湖斷橋路想繫馬垂楊依舊
欹斜葵麥迷煙處問離巢孤燕飛過誰家故人為寫深
怨空壁埽秋蛇但醉上吳臺殘陽草色歸思賒

宴清都


病渴丈園久梨花月夢殘春故人舊愁彈枕雨衰翻帽
雪為情僂僂千金醉躍驕驄試問取朱橋翠柳痛恨不
買斷斜陽西湖醞入春酒 吳宮亂水斜煙留連倦客
慵更回首幽蛩韻苦哀鴻叫絕斷音難偶題紅汎葉零
亂想夜冷江楓暗瘦付與誰一半悲秋行雲枉否

金縷歌

陪履齋先生
滄浪看梅

喬木生雲氣訪中興英雄陳迹暗追前事戰艦東風慳
借便夢斷神州故里旋小築吳宮閒地華表月明歸夜

鶴歎當時花竹今如此枝上露濺清淚 遨頭小簇行
春隊步蒼苔尋幽別塢看梅開未重唱梅邊新度曲催
發寒梢凍蕊此心與東君同意後不如今今非昔兩無
言相對滄浪水懷此恨寄殘醉



夢窗詞跋

或云夢窗詞一卷或云凡四卷以甲乙丙丁釐目或又云四明吳君特從吳履齋諸公遊晚年好填詞謝世後同遊集其丙丁兩年稿若干篇釐為二卷末有鶯啼序遺缺甚多蓋絕筆也與余家藏本合符既閱花菴諸刻又得逸篇九闋附存卷尾山陰尹煥序略云求詞于吾宋前有清真後有夢窗此非煥之言四海之公言也湖南毛晉識

